

# *KULIKA KUEZEZA*

## *MULIMU SEBELEZO ISI*

### *KA TATO YA MULIMU*

2 Mizwale ba bakutazi, ni mina balikani kwande koo, Nili ki litohonolo fa kuba mo kakusasana cwana. Kububekwa ko kucwalo, kiñi, Hani zibi kuli Ni ka pila cwani fa kufita fa mayemo a cwalo.

3 Kono hane ni inzi fani inza bulela, Muzwale Nolan, ha Ni sepi kuli Ni kile na katana mutu ya (Kaufela lu bupilwe ka mayemo a shutani, kono ki ka Mulimu ya swana.) sina Muzwale Jack Moore, um-hum, kihande, yena luli ubile...” Muzwale Nolan ni bulele fela, “Kuzwa fo Ni bezi mo ni yena...” (yani ki mukwenyana hae), ni mwa itutezi ku mu lata ni ku kuteka butali bwa hae ni lika kaufela. Mi seo, Ni kona kubulela kuli “amen” ku sona. Lik a zeñata ze tabisa...linako zelubile hamoho, yena ni Na, ni Muzwale Brown, Muzwale Boutliere fa. Baana babande ba Mulimu bao Ni lata ka pilu yaka kaufela.

4 Mi cwale Ni—Ni bona kuli kaufela ha lu kuteli mwa mulaho kwa bwanana, kihande, Ni nahana fela nako cwale yelubile lucinca kuzwa ka myaha ye mashumi amabeli kwa mulaho hane lu sa pazaula kufita mwa mahalaupa, ni zeñwi cwalo kaufela sina mitangana. Kono ka kuziba fela kuli kuna ni Naha ko lusike lwa yo supala. Lu ka yo kopana kwani hape zazi leliñwi.

5 Maabani busihu ha Ni zwa mwa tabernakele, nekuna ni kalibe nyana yana lobezi fa kambeta, mi ki hali, “Muzwale Branham, myaha ya kwa mulaho...” Ni sepa kuli na omelezi luñañali. Ki hali, “No ni bulelezi kuli...” Ke ni libala za na bulela musali yani cwale, nto yeswana inge, Ni sepa Ha nina kubulela ka kushutana. Ali, “Butata bo Ni nani bo butahile ka libaka,” kamba nto yecwalo, kuli ukaba ni mbututu. Mi uka utwisisa zeo mo li ka ezahalela ni hali mwa buino boo.

6 Nekuyemi mucaha yomunde, ya bonahala hande, ki hali, “Kina mbututu yana bile ni yena.” Ali, “Kina mbututu yana bile ni yena.”

7 Mi lika zeñata hahulu li ezahalile mwahala musipili, haluna nako fa mane ya ku libulela. Luka yo eza cwalo mwabuse.

8 Mi kalulo ye ya Baana ba Pisinisi, Na ha ni wa kopano ifi kaufela, Ni sepa kuli mina kaufela mwa ziba cwalo, kono Hani... Se kona fela sikwata ko Ni tamahana, nina ni kadi ya kutwano, ki... Bona kiba likopano kaufela, ili baana ba pisinisi.

Ba bile batusi babatuna kuna ni kwa mufuta wa bulumiwa o Mulena Ndata luna a ni file. Ki...ne ki kuli Na hani lati likopano fela; ki bulumiwa fela bo bu filwe ku na, mi haiba Ni sa kuteki pizo yeo, kipeto Ni kaba wa kashwau ku Mulimu.

<sup>8</sup> Mi, Na nahana, Ni si ka zwa kale mwa Tucson, mwendi buñata bwa mina nemuliteni kwani, zazi leliñwi Ne ni liteni, Los Angeles inge ni ambola ku bona. Mi nekuna ni...Ne ni pazauzi fela kopano mwendi habututu—habutuku nyana. Ne—Ne ni sa talusi kuba ya cwalo. Haiba mutualusa kuli zeo ki kuba ya maswe, kipeto Ni kaba muipi. Ha u lukeli kueza cwalo, koo ki ku hatelela babañwi. Koni Ne ni ambola fa kota yene Ni boni mwa patelo ya Muzwale Sharrit. Neina ni miselo yekona kueza ketalizoho ye shutana ku yona. Mi se Nili, “Ha ni si ka bona kale fateni kota yecwalo mwa bupilo bwaka.” Ne li ya...neina ni muselo wa magilepu, neina ni malemune, neina ni tangelini, matanjelo, maolonji, lika kaufela ne li fumaneha kwa kota yeswana. “Kihande,” Se nili, “Na—Na luli ha ni utwisisi. Ki kota ya mufuta mañi yee?”

“Ki kota ya olonji.”

Mi se Nili, “Kihande, wo ki muselo wa gilepu?”

Ali, “Eehe.”

Na—Na li, “Kukonahala cwani cwalo?”

Ali, “Li comekilwe kwateni.”

Mi se Nili, “Oh, Na bona.”

<sup>9</sup> Ki hali, “Kaufela zona ki za lubasi lwa litolwana, mi kota kaufela yeli mwa lubasi lwa litolwana yakona kuba...ku comekiwa kwateni.”

<sup>10</sup> Se nili, “Na utwisia.” Mi se Ni kala kuhuwa fahalimu nyana, mwa ziba, kakuli Na ikalelwa ni kuba ya tabile.

<sup>11</sup> Kacwalo, ki hali, “Ki butata mañi?”

<sup>12</sup> Mi se Nili, “Kihande, Ne ni sweli kunahana fela nto yeñwi.” Mi se Nili, “Cwale Ni bata ku kubuza puzo.” Se nili, “Cwale, isaho lituhela ha li ka shoshela, hakuna kuba ma olonji, matangelo, magilepu, malemune; kukaba fela ma olonji kakuli ki kota ya olonji, nji cwani?”

<sup>13</sup> Ki hali, “Awa, awa. Awa, mutai ni mutai ubeya za mufuta wa ona.”

<sup>14</sup> Senili, “Na bona.”

<sup>15</sup> Kacwalo kaufela ne li utwahala fela hande, kakuli Ni... mwa ziba Na...kakuli Ni na ni digiri yezwa kwa Hartford ni likolo zeñwi ze kaufela zepahami, mwa ziba. Kacwalo—kacwalo Na...nitalima za *taho*, kona sikolo se sipahami luli ku ze Ni fumani, sikolo sa Mubupi. Kacwalo haiba Ni talima, Ni fumanga likutazo zaka ka mo Ni bonela mwa likezo za *taho*.

<sup>16</sup> Mi se Nili, “Kihande, seo si ni utwisa fela hande.”

- <sup>17</sup> Ki hali, “Ki butata mañi?”
- <sup>18</sup> Se nili, “Ni hupuzi fela nto yeñwi.”
- <sup>19</sup> Kacwalo, zazi lani, Ne ni sweli kukutaza ka yona. Mi se Nili, “Cwale, mwa bona, keleke haikala ka nako yapili, ne li . . . Jesu naize . . .” Ne ni kutaza mwa Joani 15. “Kina Kota luli, mina mu mitai. Mi mutai kaufela o sa beyi muselo wa u kola, wa cisiwa.”
- <sup>20</sup> Mi yomuñwi a bondolola fela mulala waka habutuku luli, ali, “Mwa bona, Ni sepa kuli kambe nako yeñwi ukile wa tazwa ka Moya o Kenile ni kupiliswa, wa li, ‘ne ba si ke baba kwahule ni ona.’”
- <sup>21</sup> “Yeo ki niti.”
- <sup>22</sup> Ki hali, “Kucwani he ka zeo?”
- <sup>23</sup> Se nili, “Cwale u sweli kuambola taba isili. Yena u ambola za kubeya miselo kwani, isiñi Kota luli; Ubulela za kubeya miselo mi isiñi Bupilo. Ki hali, ‘Kihande, pumela fela kota kuli ihule, ibeye miselo.’”
- <sup>24</sup> Ki hali . . .
- <sup>25</sup> Mi se Nili, “Cwale, bona, kota yee, ha ne ikalile, neli yende kaufela yona, Bakreste ba Bibele. Mi kasamulaho kwataha mutai waba Lutheran, Methodist, Baptist, Presbyterian: malemune ni babañwi kaufela.” Mi se Nili, “Mwa bona, lipila ka libizo la Bukreste, kono zona . . . Lipila fa bupilo bwa Kota yani, kono libeya mufuta wa miselo ya likopano. Mwabona? Kono,” Se nili, “haiba kota ya olonji yani ika comola mutai omuñwi wa yona, ika beya ma olonji inge mone i ezeza kwa makalelo.”
- <sup>26</sup> Neku bonahala inge kuli, kulo kwani, nekuna ni toho ya . . . likopano zetuna za Pentekota. Ha ni zibi mwa kuezeza kuli mutu kaufela a utwisiswo wo ha ki mulelo waka kuli—kuli Ni—Ni ba lwanise mizwale bani, likezel; ao ki mafosisa. Na ha ba ni utwisisang, mi ha Ni zibi kuli kiñi. Mwabona? Sicaba si nahana kuli Ha ni lumeli kuli batu bayange kwa keleke. Zeo ki limaili zeñata kwahule ni Niti. “Lu swanela kuputehana hamoho, mane sihulu ha lu bona kuli lizazi li sutelezi.” Mwabona? Lu swanela kutaha hamoho mwa buñwi. Lwakona ku sa . . .
- <sup>27</sup> Kambe Ni pila mwa muleneñi mi nebasina sika kwani kono ki . . . kihande, keleke yeñwi (Ha ni lati kupunda libizo lifi kaufela), kono ki keleke ifi kaufela, kambe ne ba ka lumela nto yeñwi, kuli Jesu ki ya Pahami, kaufela babañwi ba fosa, Ne ni kaya kwa keleke yeo. Haiba ha Ni koni kuba ni sinkwa kaufela, Ni—Ni kanga kaemba kwateni. Mwabona? Ni ka yo teezeza, kulumbeka Mulena, ni ku Mu bonisa kuli Ni eza siemba sa ka. Ni bata kuli Azibe kuli Na pila. Ni—Ni . . . bata kuli mañi ni mañi azibe siemba ko Ni wela. Ni kopananga ni Bakreste, mi teñi na lapela ni—ni kusebeleza Mulena.
- <sup>28</sup> Kono ku tata hahulu, Na . . . ne si ni katazanga hahulu, mi se Ni fumana kuli neba Mulena luna ne ba si ka mu utwisia mwa

lika zeñata. Ha na bulela sika, mi neba . . . sa mu utwisisi. Ni sepa kuli sina ni kuba ona cwalo. Kono ba babutali ba ka utwisia. Mwabona? Bibebe ibulezi ona cwalo. Ba ka Li lemuha.

<sup>29</sup> Kona kuli kakusasana cwana . . . Mi Ni ize, “Cwale, ba—ba pila ka libizo la Bukreste, kono ba beya muselo usili. Ina ni muselo wa kopano. Ba toma sika, mi kipeto bapila ka sona, ni kupila ka Bupilo bwatene luli.”

<sup>30</sup> Kona zene Ni lika kubulela maabani busihu, moya wakona ku kolobezwa mwa Moya wani kono niteñi haubi Mukreste. Mwabona? U pila kwa Bupilo bona luli, kono miselo yo beya ipaka so li sona. Mwabona? Yeo ki niti. Mwabona? Bakona kueza lisupo kaufela, ni kulapelela bakuli, ni kufolisa bakuli, ni kutonisa meto, ni kuleleka mioya, ni—ni kueza lika ze kaufela, bapila kwa Bupilo bobuswana bobuli mwateni, kono niteni ki lemune. Mwabona? Yeo ki niti. “Ka miselo, muka zibahala,” Jesu nabulezi. Mi he kanti lufumana kuli . . .

<sup>31</sup> Mi ha Ni yo zwa fa katala, muzamaisi yomutuna yo ayema, mi ali, “Na sa talusi cwalo.” Ki hali, “Lu ziba kuli kaufela luna lucombekilwe mwateni.” Kihande, yeo ki niti kuli lu comekilwe, kucombekwa ka ku kakateliswa, yeo ki niti; kono ha ki mwa Kota luli, mo lu comekilwe. Kacwalo ki hali . . . akala inge ya—ya ñuñuna cwalo hanyinyani.

<sup>32</sup> Mi nekuna ni mutangana yomunyinyani kwani, Ni sepa kuli ki alimuñwi wa sicaba sa babapali ba mafilimu. Libizo la hae ki Danny Henry, mi neli mushimani wa Baptist. Kihande, ataha kwapili ku to ni kambeka mazoho, mi ki hali, “Muzwale Branham, Ni sepa se hasina ku utwahala kashwau ku za bulapeli, kono,” ali, “Ni lumela kuli yeo ilukela kuba kauhanyo ya 23 ya Sinulo.”

<sup>33</sup> Mi Na li, “Ni itumezi.”

<sup>34</sup> Mi akala kubulela lika lisili ni kukala kubulela ka malimi, ali fela mushimani wa Baptist. Mi amano eza cwalo, nekuna ni—ni musali yazwa kwanu kwa Louisiana, neli wa mu French, musali yomukima cwalo, añola tolоко ya hae.

<sup>35</sup> Kihande, nekuna ni mushimani yomuñwi wa mwanana yana inzi fani wamu French, ni yena añola sa na bulezi. Na bapisa zene ñozwi, mi bubeli bwa zona ne li swana.

<sup>36</sup> Mi cwale mushimani yomukima, wa milili yefubelu na inezi kwa mulaho, kwa Clifton’s Cafeteria, ataha kwapili. Mi ali, “Ha lu boneñi tupampili too. Ni bata kubona zeli fateni.”

<sup>37</sup> Mi totulalu kaufela ne tu swana mwa mitolokelo. Nali mutoloki wa ba U.N., mutoloki wa si French. Mi ne ku izwe:

*Kakuli wena u ketile nzila yenamile mi yesisani yee,  
ili nzila yetata, u ezize cwalo ka kuketa kwa hao.*

*Kono ha ki keto kwa bunde yo ezize, kakuli ki NZILA  
YAKA.*

Mwabona? Mi ali . . . mi azwelapili ali:

*Yona ye luli kona ye katisa, ni kueza hande, ka kutala,  
kuli kube tulo yetuna mwa Lilato la Bumulimu.*

<sup>38</sup> Mwa bona, kamita, neba mwa si French, linzwi la kezo fapila tulokandia mwani mwa—mwa—mwa toloko kuswana. Kacwalo ku zeo Ne ni si ka bulela . . . Mushe, na ezize keto ya hae, nana ni kuba ni keto ya hae. Kaufela luna ni kuba ni kuketa kwa luna ni kuketa hande luli mo lukonela. Mi Mulimu . . . Ni kuteka liñusa la muuna ufi kaufela lafile ka Mulimu. Na . . . seo sili sona kaufela, Na si kuteka ka pilu yaka kaufela.

<sup>39</sup> Cwale, Ni boni muzwale yomunyinyani yatile fa nako nyana, Muzwale Stringer, Ni sepa uzwa kwa Louisiana . . . kamba Mississippi, u lutiselize maswaniso kwanu one mu lubona inge lubuha. Neli a Lingeloi la Mulena, ha Li bonahala. Ki ba bakai baba utwile likande leo? Ni sepa kuli mañi ni mañi wa mina mo mu liutwile zeo. Muna ni lona fa tepu, ni zeñwi cwalo.

<sup>40</sup> Cwale, zeo ne li bulelezwi kuna kakusasana omuñwi ka teni kiloko, hane ni yemi mwa muzuzu waka mwa Indiana. A ni bulelala kuli Ni kaba kwa Tucson, neli kakusasana luli, Ne ni zwisa muutwa (ze lubiza kafani kuli, mulisana wa lipuli) ono ni lamatezi kwa lihutu la bulukwe. Mi Mangeloi a sebene ataha ato eza lilata, ni kupancisa sibakafafasi ni zeñwi kaufela, kwa . . . macwe apikuluha kuketuhfa malundu, mi Mangeloi a sebene ayema fani.

<sup>41</sup> Mi se Nili, “Kihande . . .” Na bulelala musala ka, mi uteni kokuñwi ona kakusasana cwana, “Mube ni lika kaufela zelukisizwe kakuli hakuna mukwa mutu mwakona kupilela,” Se nili, “zwa ku zeo. Ni ya kwa Tucson, musebezi waka ufelile fa lifasi. Ni ya kwa Hae ku yo ba ni Mulena Jesu.”

<sup>42</sup> “Kihande,” ki hali, “kana wa kolwa cwalo?”

<sup>43</sup> Se nili, “Eeni. Eehe, hakuna yanakona—yanakona kuyemela zeo. Hakuna mukwa wa ku lieza.”

<sup>44</sup> Kona ni sa zo kutaza fa *Masika A Likeleke Zesupa*. Kona ko ne Ni bizize muika waluna, Muzwale Jack Moore ku mu buza taba yee, Jesu, mwa Sinulo 1, hana yemi fani ni milili yesweu ni lika kaufela.

<sup>45</sup> Se nili, “Na sa li fela Mucaha.” Mi fani kona fo ne kutahezi sinulo ka kuba ni milili yesweu kwa toho, mi isi Yena; U apezi kwa toho (mi Ne ni sa utwisisi), kakuba Bulimu Bobupahami. Mi baatuli ba kale nebaeza cwalo mwa Isilaele, neba tinanga zesweu kwatoho. Mi busweu bu yemela kuluka. Ni baatuli ba ma English kutofita ni lizazi lee, mwa likuta zetuna za England, ba sa tinanga milili yesweu ha ba yakwa kuta, kakuli hakuna mulao oli fahalimwa bona mwa lifasi. Mwabona? Mi bona ki baatuli ba bapahami.

<sup>46</sup> Mi Na hupula ha Ni ya kwa Arizona ni libaka zeñwi, Na lika moni konela kuli... Nasaba hahulu. Ne ni ile kwa mukopano kwa Phonix. Mi muhupule, Na kutaza kutazo yakuli, *Muñaka, Ki Nako Mañi?* Mwa hupula cwalo? Na li bulela kuli Ni boni zeo, Na li, “Li si ka ezahala kale, muhupule, KISONA SA BULELA MULENA, ‘Kuna ni se si ka ezahala.’” Luli muna ni matepu ayona mwa libulukeli za mina za matepu cwale. Mi mwani Ni bulezi kuli, “Mwa hupula cwale lipono ze sa palelwi zani. ‘Sesiñwi si ka ezahala.’ Muhupule!”

<sup>47</sup> Mi mazazi nyana fela kuzwa fani, Na kala kuikalelwaa, mi Na hupula kuli, “Kiñi se? Kikuli Na shwa nji? Haiba... Ni sepa kuli ikaba kapili mo Ni konela. Ha ni lati kuliyeha.”

<sup>48</sup> Mi kakusasa omuñwi Mulena ali, “Zamaya ukambame fahalimwa Sabino Canyon.”

<sup>49</sup> Mi Neli fahalimu fani inge ni nanuzi mazoho mwahalimu. Na utwa sika se si wela mwa lizoho laka. Neli mukwale. Cwale, mu nahane fela mo mukona ku utwela, wali kuyema fani unosi mi kakata ki yeo tipa mwa lizoho la hao yetelele *cwalo*. Na u tisafafasi ni ku utalima. Neli fela inge tipa, yeñwi ya zona... mi Ni saba hahulu tipa, nihakuli *cwalo*. Ne neuna ni—ni neuna ni—ni pipi, yekwahela inge zeñwi za litipa zee, inge pipi ya mupika kamba nto yeñwi, o buhali o namile. Neuna ni sipushu *cwalo*, kuli musole aswale kwatemi, asike a ikolofaza kwa mazoho, mi—mi neuna ni kasipi kakabenya kwa silungo kwanu. Wa to kwana hande mwa lizoho. Kihande, Na itiinya mwa meto ni kutalima kwa mulaho.

Ona fa sibaka faale, zazi leliñwi, Na bona nkwilimba, nyana yesweu ya to lula. Ni ka mi bulelala zayona kasamulaho.

<sup>50</sup> Mi Ne ni u sweli mwa lizoho, Na hupula kuli, “Zeo ki zenza. Cwale, Mulena, Ni... kala kuba ya lyangani nji? Hakuna mutu yomuñwi fa. Ni inzi limaili kwahule kuzwa kwa batu kono ki wo fa mukwale. Ne ni nanuzi lizoho mwahalimu, mi u zwile kai?” Mi Na hupula kuli, “Se ki sika sesinca luli. Cwale amutalime fa, ki mukwale.” Mwabona, ha ni ungungula, neli mukwale waniti. Mi se Nili, “Hakuna mutu yayemi kwanu. Ni yemi fahalimwa macwe, fa ngo ya lilundu lee.” Mi mane nemusike mwabona Tucson kuzwa fani, neli kwahule luli kwa njetumuko.

<sup>51</sup> Na hupula kuli, “Cwale, ye ki nto yenca luli. Cwale, lina ni kuba mwa sibaka se kokuñwi, Mutu yana ka bupa mukwale wo ni ku u beya mwa lizoho laka.” Se nili, “Ikona fela kuba Mulimu yena ya na bupile totolo ya Abrahama, ni kubupa tumale twani,” to mu utwile. Mi se Nili, “Ki se sibiana, libyana zeshutana zetalu, mi Ni usweli mwa lizoho laka ka kuiponahaza fela sina sika kaufela mwa lizoho laka.”

<sup>52</sup> Mi Na utwa Linzwi lelili, “Wo ki Mukwale wa Mulena!”

<sup>53</sup> Mi Na hupula kuli, “Cwale, kanti U zwile kai cwale? Noliteni mwahala macwe ani kokuñwi.” Mi Na u swala mwa lizoho sina

*cwana*, mi se Nili, “Ki mukwale nyana wa mulena.” Mi Na talima kwa ni kwa, mi mukwale wani wa lateha. Mi se Nili, “Mukwale nyana wa mulena.” Zeo kiku . . . neba lwana ni—ni mukwale, Ni sepa kuli yeo ki niti, mpi kamba nto yeñwi, neba lwana ni yona, mwa ziba. Mi se Nili, “Kihande, kona zobezi teni fa mwendi. Utalusa kuli mwendi Ni lukela kubeya mazoho kamba nto yeñwi, cwalo, kuli ni eze bakutazi.” Mi ni Na . . .

<sup>54</sup> Linzwi la bulela hape, lali, “Ki Mukwale tuna wa Mulena!” Isiñi *mukwale* nyana *wa* mulena; Ki Mukwale tuna wa Mulena! Mwabona?

<sup>55</sup> Na hupula kuli, “Cwale, mwendi Na lyangana cwale, munahano waka u sitani, kamba kuna ni se si nga sibaka, kuna ni mutu ya yemi bukaufi ni na.”

<sup>56</sup> Mi mizwale, litaba ze ki za niti. Hani—Hani zibi mwa ku mi bulelela zona, mu liboni kamita ha liezahala ka nzila yeo. Mi ki . . . Ne ni sa li utwisisi. Kacwalo . . . Ki maikuto amanca luli.

<sup>57</sup> Mi Na yema fani. Na hupula kuli, “Cwale, kamba ki Mañi ya ambolanga nina yo mwa bupilo bwaka, kuzwa kwa bwanana, inge nili fela mushimani fela, uyemi faa, mi ha Ni Muboni ni hanyinyani.” Se nili, “Ki Mukwale wa Mulena?” Se sikona kuba . . . Mulimu *ki* yena fela Mulena. “Mi cwale mukwale wo ki sikamañi?”

<sup>58</sup> “Ki Linzwi, Li beilwe mwa lizoho la hao.” Ali, “Usike wa saba lifu, ki bulumiwa bwa hao.”

<sup>59</sup> Oh, mawi! Kwatasi a lilundu lani Na ya cwalo, inge ni lila, ni huwa, fahalimu luli a linzwi laka, ni kutulaka macwe. Na shetumuka cwalo, na bulelela musala ka, Na li, “Hanina ku shwa, mwabona, ki—ki—ki bulumiwa bwaka.” (Na mu bulelela kuli ange Billy Paul fa, ni banana. Se nili, “Cwale, Ha ni na sika, kono keleke ika bona kuli hamuna kuba ni tala ni matata asili, mi Nika—Nika mi fumana kwabuse bwa museto.”) Mi—mi ali . . . Se nili, “Batili, Ha nina kushwa, ki sesiñwi ka za bulumiwa bwaka.”

<sup>60</sup> Mazazi alikaní kuzwa fani Ne ni zwa mwa mukopano; ne nina ni telegiramu ya makepe amalalu, yene zwile kwa Houston, Texas. Mi muuna yani ani kananisa hahulu busihu kuli mane Lingeloi la Mulena mane la ngiwa fateni, siswaniso sa Lona kwani kwa Houston, a ni biza, mi ali . . . aluma telegiramu, musala ka ali, “Na ziba, Muzwale Branham, u patehile. Mwana ka (mushimani wa Ted Kipperman) u mwa sibaka sa ku lifu kuli ashwele mwa sipula.” Ali . . . (Kucwani haiba yoo ki Billy Paul?) Ki hali, “Yena ni musizana yomunyinyani bana ni kushwa.” Mi kaufela mina mu li balile mwa mutende, eeni sha. Mi ali, “Sepo fela yelunani ki kuli utahe mi ube ni mukopano ni kukopanya sicaba hamoho.”

<sup>61</sup> Mi Raymond Hoekstra na sa ni ñolezi kale linako zeñata, kono mwa ziba, Ne ni lelide kuli mwa mulaho wa mukopano wani

ni ye mwa musipili wa kuzuma ni Bo. McAnally ni babañwi. Mi Na hupula kuli, "Kihande, ha ne Ni ka tuhela banana bani kushwa kusina kubeya kwateni mata, Hani sa tola ni ya kwa kuzuma hape."

<sup>62</sup> Kacwalo se Nili, "Ku lukile, Ni ka taha." Na taha kwa Houston, lwaba ni mukopano, mi kakuli ne . . . ba si ka li bulaya, nebaba file fela . . . ba lituhela ni bupilo. Mi ona zeo kona zene ba tokwa kuli baeze, kubafa fela bupilo. Kacwalo seli myaha ye mashumi amabeli ni ulimuñwi, Na sepa, mwa—mwa Texas.

<sup>63</sup> Kacwalo he, ni kukuta, Na ya kwa lilundu mi Na ya ni Muzwale Fred Sothmann. Uteni mo kokuñwi. Muzwale Fred, uinezi kai? Kiyo fa. Muzwale Fred Sothmann, Muzwale Gene Norman; zazi leliñwi, lizazi labubeli inge niinzi kwani, Lingeloi la Mulena la taha kutuluuka mwa mafulo ani mo ne luinzi, mi akala kuba bulela za bana ba hae ni lika ze ne ba eza.

<sup>64</sup> Na funduka ni kuya kwa lilundu. Mi Ne se ni sweli kale kulube yaka, mi Ne ni sweli kuimatisa ni Muzwale Fred. Kacwalo Na fumana ko li fulela neku leliñwi la lilundu, mi se Nili, "Kihande, cwale, Ni ka ku bulelela se Ni ka eza, Muzwale Fred." Se nili, "Cwale, zamaya kwa neku lani kakusasana." Lu ye kwani musihali, lu pahame fa lilundu. "Mi luye teñi musihali, Na ni kafita kwabuse. Cwale, Hanina ku kunupa iliñwi, kono haiba limatela kwahule, Ni ka kunupa kwapata a zona ni ku li kutiseza kwa mulaho. Wena u nonge iliñwi yetuna."

<sup>65</sup> "Ku lukile," a bulela.

<sup>66</sup> Kacwalo Muzwale Fred aya kwateni. Ni Muzwale Gene Norman (Hani zibi kuli Muzwale Gene utile, utile nji?), nali—nali kwa neku leliñwi. Buñata bwa mina mwa muziba Gene Norman, mulikani wa babañata, muzwale yomunde. Ki ha ya kwani kwa njetumuko nyana. Kone kuna, ni likulube zani, nelisiyo feela kwani kakusasana wani. Mi Na bona Muzwale Fred, ha mu kobeta, nali fahule nyana mwendi maili cwalo. Kihande, Na hupula, "Liile kai cwale?" Se ni ya mwa mukulo omutuna, ni kushetumuka, mi Na hupula kuli, "Ni ka bona haiba Nakona ku li fumana." Nakala kukuta kupahama. Kona hane li sa pazula fela, lizazi ne likala fela kututumuka.

<sup>67</sup> Na potoloha mwandala omutuna, oh, mawi, mafiti mianda anda cwalo, neli fela macwe amatuna mwa mukulo omutuna wani, mamota amatuna ani. Mi ne se kuba . . . lizazi ne li tutumuka, mwendi ka sebene kiloko, Na sepa, kamba nto yecwalo. Mi Na inafafasi mi Ne ni talima kafa ni kafa, ha Ni yo talimela fa lihutu la bulukwe bwaka mi nekuna ni muutwa omutuna wa manaka. Kiha se Nili, "Mwa ziba, se si bonahala bunca. Mwa ziba, Lingeloi la Mulena ne li ni bulelezi kuli Ne nikaba kwa Tucson limaili ze mashumi amane cwalo, ine Ni sweli kuzwisa muutwa kwa lihutu laka." Mwa hupula zeo? Nji

cwani? Eeni, sha. Mwabona? Se nili, “Zeo ki zenza.” Ne ni u sweli.

<sup>68</sup> Mi ha Ni talima mwahalimu, Na bona likulube ze mashumi amabeli fahule nyana mwendi liñokolwa ze mianda ye ketalizoho kuzwa kuna, na taha inge nica munjeke wo ni kuinafafasi. Se nili, “Cwale, haiba Nikona kuba fela ni Muzwale Fred kuli atahé kwa sibaka sani, uka ikungela kulube ya hae fateni. Kono Ni ziba kuli ufahule nyana kuzwa kuna ka maili kamba zepeli cwale. Kacwalo,” Se nili, “haiba Ni kona kufita kwabuse bwani kusina ku ni bona, fahalimu neku lani kwa kota yani,” Se nili, “haiba Ni kona kutaha kwa neku le, kuna ni kanzila ka liputi ka kataha neku le, Nakona kumatela kwatene ni kuzwa mwa nzila. Ni kupaheka kaemba nyana ka pampili fa fo Ni ziba kuli omuñwi wa minwana yaka ne u ka supa, kwa libala, Nakona kunga Muzwale Fred kwani fa nako yelikani fela.”

<sup>69</sup> Na nepela fafasi muutwa tun woo, ni kulibala Sani. Mi nakala kupahama lilundu kabunolo luli mi naitemuna, ne li sa ni boni, mi na shetumuka ni kuwela mwa kanzila ka liputi kaa. Ne ni tinile kuwani yetuna yensu. Na kala kumata mata mwa libala le ka lubilo luli, mi kwa ezahala.

<sup>70</sup> Lifasi kaufela la nyungana, kai ni kai. Macwe butuna *cwana* apikuluha, maluli ki tushaa ona *cwalo*. Mi ha Ni talima, mi kwapili aka fela nekuyemi Mangeloi a sebene; ona *cwalo* fela mo ne kuinezi. Na i kutwa inge kuli Ne ni yemi fahalimwa mubu mwa mbyumbiyulu. Pili, Na hupula kuli kuna ni ya ni kunupile, mwa ziba, ni kuwani yaka yensu yani kwatoho; ne kubonahala inge kulube yamwa naheñi, nihakuli *cwalo*, mwa ziba ki ze nsu. Na hupula kuli kuna ni ya ni kunupile, inge kuli . . . neli fakaufi luli. Mi Na—Na bona kuli neli sikamañi. Kihande, ona fami fela . . . Ha ni fiwa tumo yaka, mwa Mañolo, “Maswayo Asupa ili zona likunutu zesebene.” Mwabona?

<sup>71</sup> Yomuñwi ali kuna, ali, “Cwale . . .” Oh, ki hali, “Kihande, cwale, zazi leliñwi Mulena hakulata (ha ubona lipono, Muzwale Branham) uka ku patululela lika zee mo liinezi, kaufela lwakona kuba bukaufi ni Mulimu ni kuba ni mata amatuna kufita oluna ni ona ha lubulela ka malimi ni lika zeñwi.”

<sup>72</sup> Se nili, “Ha ikoni kuba *cwalo*.”

<sup>73</sup> Kakuli, mwabona, Ni lumela kuli Linzwi kona Niti. Mi Bibele iize, “Kaufela ya ka ekeza linzwi kamba kuzwisa kwatene Linzwi ku Lona.” Li lukela kuba lona Linzwi lee. Mwabona? Ki likunutu ze ba si ka lemuha batu, kakuli ona kwani kona ko ku zweeli Liñusa laka la *Peu Ya Noha* ni tumelo ya niti ka za silelezo ya mulumeli.

<sup>74</sup> Ha ni keshebisi mizwale yahesu ba Presbyterian kwani, mi babañwi ba mina mizwale ba Baptist mo mubonela za silelezo. Ha ni buleli *cwalo* ka kuba ya shutani, kono nemusika li ziba ka swanelo. Mwabona? Yeo ki niti. Mwabona? Kono, Ne ni

lifosanga, nina. Kono haiba Lingeloi liyemi mwa Lihalimu ni ku ku bulelela sika, mi wa iponela sona mwa Mañolo, kipeto yeo kona Niti. Mwabona? Yeo ki niti. Mwabona, Yena kamita ubulelanga ka Mañolo.

<sup>75</sup> Ona kwani Na iponela ona mwa sikwenda sani ha nanuha mwahalimu, akala kupahama, mi afetuha kuswana sina liseli, inge mbundu. Ona cwalo fela ka nzila yeo... Ki ba bakai bababoni fateni siswaniso sa Teni sene si kopilwe mwa Houston? Mane kaufela ona. Mwabona? Kihande, kona mo kuinezi fela ona cwalo. Za fetuha kuba nto yeswana, Azwelapili ku pahama ni kupahama.

<sup>76</sup> Ne ni sweli kumata ni kumata, kulika kufumana Muzwale Fred ni babañwi. Kasamulaho nyana, mwendi licika la hola cwalo, Na mubona fafasi faale, inza kobeta mazoho a hae; mi Muzwale Gene na taha, inza kobeta mazoho. Neba ziba kuli kuna ni sene si ezahalile. Mi kacwalo he Na ya ni bona. Yani ki Muzwale Fred yainzi *fani*.

<sup>77</sup> Hane liya mwahalimu cwalo, Ne ni sa zibi kuli libaka za batikitiki ni lika zeñwi, bakena mwa Mexico, ne ba kopile siswaniso sateni. *Life* magazine ya liñola hane Li ya mwahalimu cwalo. Mi buñata bwa mina... Kiye *Life* magazine yena ni siswaniso sa Yona. Taba ya kunutu kiye, mi ba bulela kuli ne ba sa zibi ko ne lizwa; li mwahalimu hahulu. Ki mwahalimu luli kufitelela lika kaufela zekona kuba... Ki fahalimu luli a mbundu, kakuli ki limaili ze mashumi amalalu mwahalimu ni limaili ze twenti-sebene mwa bukima ha se li pahami mwahalimu. Mane hakuna neba kubatelwa kamba sika kaufela kulo mwani, mwa bona.

<sup>78</sup> Mi ba nahana kuli ki fulai; kacwalo ba tatuba libaka kaufela, kuli nekusina lifulai zazi lani. Mwabona, lina ni kuba, bakeñisa kunyunga mahaulo ni lika zeñwi. "Hakuna lifulai mwahalimu mwani." Ki ze mo mwa mutende, uka mi bulelala lika zeswana. Mi—mi za zwelapili kuya ni kuya. Mi kacenu ki mwa...

<sup>79</sup> Ki se mo mwa mutende wa *Science* magazine, koo, mane ha ba utwisisi. Ha ba zibi kuli Ki sikamañi.

<sup>80</sup> Tucson, kwa sikolo sesipahami, mulikana ka naile teñi zazi leliñwi mi na ambola ni bona ka zona. Bali, "Ha lu utwisisi zateni..."

<sup>81</sup> Se nili, "U si ke wa bulela sika, hakuna kuba ni tuso. 'Musike mwa fa linja linto zekenile.'" Mwabona? Ki kwa Keleke, kwa Baketwa, baba bizizwe. Mwabona?

<sup>82</sup> Mi cwale mañi ni mañi na taha inza bulela, kuli, "Muzwale Branham, Ni boni siswaniso sa hao fa. Na bona *se*. Na..." Mwa ziba mo linezi. Kono zeo—kono butelele bwani sina muzwale waluna hanani zona kokuna... Muni swalele. [Muzwale Branhamma unga siswaniso—Mu.] Ki cwana mo ne Si kalezi kupahamela, inge siya mwahalimu. Mane *kwa* neli kwa neku

la lizoho la bulyo. Mi mina kaufela mwahupula zene Ni bulezi, “Lingeloi lene lizibilwe kona lene li bulela nina, neli kwa neku la silyo,” li si ka ezahala kale. Mwa hupula? Mafufa a lona na supile kwa mulaho *cwana*. Ona cwalo kona mafufa a Lingeloi mwa na yela mwahalimu. Mwabona, sina haku... Kacwalo bakala kukopa maswaniso kakuli neli za kunutu hahulu. Kono cwale siswaniso sa mafelelezo, hane Si iponahaza ili Sona mwa mybyumbyulu ni zeñwi cwalo, se kisona sina mo ne ba siswaniselize ba *Look* mo. Mwabona mo li pahamela ha bakala ku libona, mwa bona. Mi kwa taha si—si swaniso tenyene ni siswaniso sa mafelelezo, ha si eziwa.

<sup>83</sup> Ne ba sa zibi ko ne sizwelezi, ha ba zibi ni cwale. Sayansi ikomokile hahulu luli ka zona, ha ba zibi ze ne ezahalile. Kono luna lwa ziba: “Ku kaba lisupo mwa lihalimu.” Lwa ziba cwalo. Mwabona? Mi U sepisize litaba zee. Mwabona? Mi taba inosi fela yene lumelizwe ku swaniswa...

<sup>84</sup> Cwale, Ni ziba kuli lu batu fela ba lapa li liliñwi kakusasana cwana. Haiba Ni kona ku mitabisa mizwale kamba likezeli sina ya-ziba-likia kaufela, shangwe mu ni swalele. Ha ni talusi kuba cwalo. Ni yemi... ne ni inzi kakusasana inge ni ambola fapila baana baba itutile, baana baba butali; Na—Na ni sitimbi, Ha ni koni neba kubulela Mañolo aka hande. Nina ni kauhanyo ya kubala kakusasana cwana, Ni... ka kupa alimuñwi wa mizwale mo kuli ani balele yona, kakuli mane Hani koni kubulela hande manzwi, Makolonika Bapili 13, (haiba ukona, Muzwale Jack, haiba wakona kuifumana), kwa tuto yaka. Na—Na mane hanikoni ku bulela manzwi ao, kakuli yena wakona ku abulela.

<sup>85</sup> Mi Na ziba kuli Ni ambola kwa baana baba butali. Kono, mizwale, lika ze liezahala kuli musike mwa talima fa butimbi bwaka, kono mulumele kuli Ni mi bulelela Niti. Ki Mulimu ya mi bulelela Niti. Yeo kona Niti. Mwabona?

<sup>86</sup> Cwale, mi ha Ni bulela za likopano, Ha ni talusi ka kuba ya lunya ni piluseta mi... Batili, Ha ni talusi kuli musike mwaya kwa likeleke zamina. Muye kwa likeleke za mina, ze mulukela kueza. Kono musike fela mwa ikopanya kwa likopano zeo, kakuli zazi leliñwi Ni ka mi bulelela ni ku mi bonisa ka Mañolo, ki siswaniso sa sibatana. Mi mu hupule fela cwalo, ki siswaniso sa sibatana.

<sup>87</sup> Na kutaza... Ha ni koni ku li kutaza mwa keleke ya Muzwale Jack, uka ni bulelela kuli, “Zwelapili mi ueze cwalo”; kono Ni ya kwa tabernakele, ikaba yetelele lihola zene. Mi tuto yaka kikuli, “Sibatana kwa simuluho ni sibatana kwa mafelelezo, ka nzila ya niha.” Mwabona? Silwala lihola zene. Ni na ni Mañolo aliteni faa. Sibatana kwa simuluho, neli sibatana mwa simu ya Edeni, ki sibatana kwa maungulo, ni kubonisa kuli ki mutu wa bulapeli ni kopano (yana ezize kopano); ni kutaha mwa nzila yateni, ni

ku mi bonisa zona ka Mañolo kuli ki cona. Ne ni sa zibi kufitela Moya o Kenile unifa zonazazi leliñwi kwani.

<sup>88</sup> Cwale, ku ze, Ne ni talima zazi leliñwi, inge ni yemi, mi Sesiñwi sa ni bulelela kuli... talima ku sona, mi Na hupula... Muzwale Hickerson, alimuñwi wa basepahali baka... kamba madikoni kwa keleke kwa Jeffersonville... Haiba Ni sa lumeli ku za kuya kwa keleke, kiñi ha Ni bezi ni keleke? Neluna ni bona hala na ha kaufela, inge ba lu teezeza busihu bobuñwi, limaili ze mashumi amabeli kai ni kai nekuna ni iliñwi ya likeleke zaka.

<sup>89</sup> Cwale, si—si siswaniso se, Ne ni yemi, inge ni si talima, mi Sesiñwi... Ne ni yemi mwa muzuzu waka. Sesiñwi sali, "Fetuhela kwa silyo." Na teezeza.

<sup>90</sup> Ni ziba kuli zeo li utwahala inge kuba mutu lyangani mwa toho, kono, mwa bona, sina ha ne Ni bulezzi busihu bobuñwi, lika zetuna ze kaufela ki za likolo feela... Cwale, Ha ni lwanisi zeo. Muhupule, luna ni ku kenya bana likolo kuli ba ipumanele tuto ni zeñwi cwalo, kono Ni ka mi bulelela cwale, halina kubatusa sesiñwi mwa lifasi le litaha, kakuli ikaba zwelopili yesutana, yetuna kufitelela yelunani yee. Zwelopili yani mane haina kubani zeñwi... Haina kuba ni likolo zekana ku yona, haina kuba ni lifu leliñwi ku yona, hakuna kuna sibi ku yona. Ye yona inani zeo kaufela; hakuna taba kamba luba ni zwelopili yecwani, lifu ka buñata bwa lona kona mo li ekelezwa teñi ka nako kaufela. Mwabona? Haili yani yona kwateni ikaba yesina lifu. Kono haili cwale luna ni kuba ni sikolo, luna ni kutina liapalo, luna...

<sup>91</sup> Ne ni ka bulela kakusasana wo fa *Edeni Ya Satani* (buñata bwa mina muna ni yona tepu yateni), *Edeni Ya Satani*. U ezize simu yeñwi ya Edeni, mi myaha ye sikisi sauzande kona ye mutandile fa kuibupa, mane inge fela Mulimu mwa na ezelize ya Hae kwa simuluho. Mulimu na bupile Edeni ya Hae, mi Satani ai sinya sinya. Cwale Satani uezize Edeni ya hae, mi Mulimu uka i sinya (yeo ki niti) ni kubeya ya Hae Tota.

Sesiñwi sali kuna, "Sifetulele kwa silyo."

Na hupula kuli, "Ni sepa na si talimela ka swanelia."

Sali, "Sifetulele kwa silyo." Mwabona?

<sup>92</sup> Na hupula kuli, "Mwendi Linzwi lani litalusa kuli sifetulele kwa neku la silyo." Mi ha Ni mano eza cwalo, mwabona mo si inezi: *Toho ya Kreste* ka Hofmann, fa myaha ye mashumi amalalu-kazetalu. Fa, amutalime fa, mubone mulelu wa Hao, sifateho sa Hae, meeto a Hae, ngo ya Hae, ni lika zeñwi kaufela. Mubone siemba sa milili ya Hae yetaha fahalimu faa. Mi U apesizwe ka milili yesweu ya Lingeloi ka kubonisa kuli Liñusa la Hae la kuba Mulimu ki Niti. Ki yena Muatuli Yapahami mwa lihalimu, Muatuli Yapahami wa Lihalimu ni lifasi. Ki yena Mulimu, ni hakuna sika kwanda Mulimu. Ki yena Mulimu ya bonahalile mwa mufuta wa Mwana Mulimu,

mane Mwana neli Mutu. Mi haiba zeo ha li ezi Liñusa laluna kuba hande: kubonahaliswa ka Mañolo, kubonahaliswa mwa sebelezo, kubonahaliswa ka Pata ya Hae, yaswana maabani, kacenu, ni kuyakuile. Kabakaleo Maswayo Asupa ani ki a Niti, mizwale. Mwakona ku kanana ni bona, kono muine fafasi mi bubalisise ka kukwalula pilu ya mina nako yeñwi, mulumeleze fela Moya o Kenile u mi zamaise kwa . . .

<sup>93</sup> Fa, mi Muzwale Jack . . . Ne ni mu bizize ni si ka kutaza kale se mi na ambola ku yena za kuli “Milili yemisweu ye neli sikamañi?”

<sup>94</sup> Ki hali, “Kihande, Muzwale Branham, Ni bulela kuli neli ku za Hae . . . kasamulaho wa zho ya Hae mwa mubili wa Hae o kanya.” Ne ni ambola ni Muzwale Jack. Mi nekuna ni . . . Ha ni zibi mutu mwa lifasi ye Ni kona ku itingeta haliyela fa lituto za bulapeli ni litaba zeñwi sina mo Ni batela Muzwale Jack Moore ni Muzwale Vayle, ni baana babaswana—babaswana sina bao, baituti ba luli ba bulapeli baba balile mifuta kaufela ya libuka ni libaka zeshutana kaufela. Kihande, kono, mwa bona, neba ka zona, ni mulikana ka yenilata hahulu, Ne—Ne—Ne ni sa li utwisisi, nekuna ni fela lika zene ni sa utwisisi.

<sup>95</sup> Mi cwale ha li yo taha, se, se Ni bona mo si inezi. Ki wo fa mulelu wa Hae o munsu. Mwa U bona, Na sepa. Mwabona? Mulelu wa hae o munsu ni milili yeminsu, meto a Hae, ngo, lika kaufela, ka bunde fela, mane neba siemba mwa milili ya Hae yeshetumuka kwa neku leliñwi. Ki yena Mulimu! Mwabona? Mi kiya swana maabani, kacenu, ni kuyakuile. Mi wo ki mutende waba *Look* magazine . . . kamba *Life* magazine. Ni sepa kuli ye ki . . . Ni libezi kuli imwa mutende ufi cwale; oh, Kandao la sebentini, 1963. Fani fona fo ne utwahalezi, haiba kuna ni ya bata mutende woo. Ki siswaniso se siswana sana ni Rockefeller ni—ni musala hae kwa mulaho wa sona. Mi wo ki mutende omunca wa ba *Science* magazine oli “i sa li kunutu.”

<sup>96</sup> Ki sikamañi sene Ni bulelezi lika zee? Kuli limife mutualimelo nyana wa lika zelu lika kubulela, zeo Mulimu abonisa mwa mahalimu ni mwa lifasi kuba ze lukile. Zona litemuhu zee, lipono, luna ni malikanyiso amañata hahulu, luna kamita. Kono muhupule, kusikaba kale dollar ya buhata, ku lukela kuba dollar ya niti pili; pili kuna ni kuba dollar ya niti, mi yeñwi ipangilwe ku yona. Inge fela mo ne lubezi ni Mushe wa niti ni Aruni wa niti, mi lwaba ni Jambresi ni Janise mwa mulaho wa bona. Mwabona kaufela mo li tahela? Ba libona mi balika kuli likanyisa, kanti inge kuna ni alimuñwi wa niti *wa makalelo*. Yeo ki niti. Ha ni buleli cwalo kuli ni mi utwisse bumaswe kamba ku mi keshebisa, kamba kulyanganisa sika, kono ki ka Niti fela; ka kuziba kuli Ni . . .

<sup>97</sup> Se ni ba muuna muhulu, mi Ni ziba kuli nako yaka haisana kuliyejala. Haiba Jesu, a liyeha, Na kona . . . kuinelela fa nako

nyana; kono Ni ziba kuli zazi leliñwi pilu ye ika nata lwa mafelelezo, mi Ni kena mwa sibaka sesituna, se si nsu sa lifu. Kono cwale zeo ha litaha, Ha ni lati sika sa ku yo itemunela kwa mulaho, sa kulika kubakela. Ni bata, ha Ni taha fa nako yeo, kuli ni kene ni kupetahala ka sishemo sa Mulimu. Ni bata kuikapesa ka liapalo sa kuluka kwa Hae, ha Ni ka yo kena kwani, ni taba iliñwi ye mwa munahano waka: Ni Mu ziba mwa mata a zuho ya Hae; mi Ha ka biza, Ni ka zwa mwahala bafu ni kupila ni Yena kuyakuile. Mi ki mulelo waka fa cwale kulika kunga muuna kaufela . . . isi kucinca lituto za mina za bulapeli kamba nto ifi kaufela, kono ki kuekeza kwa tumelo ya mina ku Mulimu mwa sepiso ya lizazi lee.

Cwale ha lu lapeleñi:

<sup>98</sup> Mulimu Yomunde, lu sicaba se si itumezi kakusasana cwana, kono ibo, Mulena, lupila mwa lifasi lelinsu kuli . . . Hakuna neba alimuñwi waluna kakusasana cwana, Ndate, kono kamukana lu utwa kuli luna—luna lubata kuba buhaufi ni Wena, lu bata muswalelo wani—wani wa Hao mwa bupilo bwa luna okona kulubisa bunde ni kuba bunolo ili kuli U lu fetule ka nako kaufela, u lubupe kuba bana babashimani ni basizana ba Mulimu. Woo—woo kona mulelo wa luna mo, Ndate, woo—woo kona mulelo waka fela o Ni nani wa kulika ku—ku pila fapila Hao ni kunga Linzwi la Hao ni ku Li bulela kukutela kwa baana ni basali kuli . . . isi ka kuba mutu ya shutana kono kulika ku Mu kuteka yena ya ni file Bupilo. Akupete cwalo, Mulena.

<sup>99</sup> Mi cwale kusike kwaba mutu mo kacenu . . . Kamba—kamba haiba . . . Lwa utwahala kakusasana cwana, mwahala naha hape. Mi kusike kwaba mutu yali mwa muhuwo wa linzwi la luna ya ka kena mwa muzuzu omutuna wani kusina ku Ku ziba mwa mata a zuho ya Hao. Haiba kuna ni baezalibi kokuñwi mwa naha, baba . . . kamba mwa tuyaho mo, ona tuyaho tuna woo, yaliteni mo kakusasana cwana. Haiba kuna bani baba sa Ku zibi, le kwatensi halibe lizazi leo lizwalo la bona li nyanganye, ba zuhe, mi ba ka lemuha kuli ha ba zibi muzuzu o lukona kubizwa kamba kubizezwa ku yo ikalabelza za bupilo bwa luna, kwa Lihalimu. Mi haiba libizo la luna lisali mwa buka ya milatu yani, lu ka yo shwa; kono haiba li mwa Buka ya Ngunnyana ya Bupilo, Bupilo bwa luli, kipeto lu pilisizwe.

<sup>100</sup> Mi cwale, Mulena, sina Bupilo bwani habuze bufita kuzwa kwa litali kutaha mwa mununo, kukena mwa sikapi, mane kuyopunya kwa bubeke, halunze luzamaya kakusasa cwana haiba kuna ni Bupilo bo bukena mwa bubeke bobuli mwa lutaka lwani, buzwise mwateni kacenu, Mulena, ha bu latelele muzamao wa bubeke, kakuli lukupa ka Libizo la Jesu. Amen.

<sup>101</sup> Mu ni swalele ka kunga nako yetelele cwalo. Ne ni libezi mane kuli lu fa silimba kwande koo, nako ya luwaile.

<sup>102</sup> Cwale ha lu apuleñi kwa palo yaluna. Mi Muzwale Jack, kana una ni Bibebe ya hao foo? Hanze Ni apula Mañolo aka, Ni ka kupa Muzwale Jack kuli abale Liñolo le kakuli Hani koni ku bulela manzwi ateni. Ku lukile. Ki mwa Makolonika Bapili 13. [Muzwale Jack Moore uli, "Kauhanyo kaufela?"—Mu.] Uh-huh.

[Muzwale Jack Moore ubala Makolonika Bapili 13:1-14—Mu.]

[*Mi Davida alelisana ni bazamaisi ba litopa za masole baba sikitni ni bazamaisi ba litopa za masole baba mwanda, ni muzamaisi wabona kaufela.*]

[*Cwale Davida ali kwa kopano kaufela ya Isilaele, Haiba ki swanelo ku mina, mi hape haiba ki tato ya MULENA Mulimu waluna, ha lu lumeñi liñusa kwa banabahabo luna babasiyezi mwa libaka kaufela, za Isilaele, ni kwa baprisita ni Malivi mwa mileneñi yabona yenani mafulisezo, kuli batahe bato swalisana ni luna:*]

[*Mi luyo nga Aleka ya Mulimu waluna, luikutise: kakuli ne—ne basika ibabalela mwa mazazi a Saule.*]

[*Puteho kaufela yalumela kueza cwalo: kakuli sicaba kaufela nesiboni kuli kulukile.*]

[*Davida kihaa kopanya Isilaele kaufela, kukalela kwa Shihori ya Egepita kuyo fita ni kwa Hemati, kuli bayo nga Aleka ya Mulimu kwa Kiriati-jearimi.*]

[*Davida ni Isilaele kaufela, bakambamela, kwa Baala, kwa Kiriati-jearimi, wa Juda, kuyo nga kwateñi Aleka ya Mulimu, yena MULENA, yainzi mwa lubona fahalimwaa likerubimi, fo ku bizezwanga libizo lahae.*]

[*Kono balonga Aleka ya Mulimu mwa koloi yenca mi baizwisa mwa ndu ya Abinadabi: mi Uza ni Ahio neba—neba etelela koloi yeo..*]

[*Davida ni Isilaele kaufela banyakalala ka maata abona kaufela, fapilaa Mulimu ka lipina, ni liharepa, zelizwa zeñwi za mihala, tulupanyana, likambeliso, ni litolombita.*]

[*Kono habafita fa mapulelo a Kidoni, Uza aotolola lizoho lahae kuswala kwa Aleka; kakuli likomu nelibatile kuiwisa.*]

[*Mi buhali bwa MULENA kiha butukela Uza, mi amubulaya, kakuli naa otolozzi lizoho lahae kuswala kwa Aleka: mi ashwela honafo fapilaa MULENA.*]

[*Kono Davida afilikana, kabakala kuli buhali bwa MULENA nebutukezi Uza: mi sibaka seo sabizwa Perezi-aza kufitela ni la kacenu le.*]

[*Mi Davida asaba Mulimu ka lizazi leo, mi ali, Cwale Ni ka tisa cwañi aleka ya Mulimu ku na?*]

[*Davida naasika tisa Aleka mwa muleneñi wa Davida mwanaapila, kono alukisa kuli iiswe kwa ndu ya Obedi-edomo wa Mugiti.*]

[*Mi aleka ya Mulimu yaina ku ba ndu ya Obedi—Obedi-edomo, neinzi mwa ndu yahae ka likweli zetaalu. Mi MULENA azwelapili kufuyola ba ndu ya Obedi-edomo, ni zahae kaufela.*]

<sup>103</sup> Ni itumezi, Muzwale Moore, ka ku ni balela Liñolo. Cwale, mu Ni swalele ni palezwi kubala zeo na, kono Ni—Ni palezwi kueza cwalo.

<sup>104</sup> Cwale, Ni bata kuli muapule nina mwa Makera 7:7, mi luka bala litimana za makelo ze sebene za Muhalalehi Mareka kauhanyo ya 7.

*Mi kwataha hamoho ku yena Bafarisi, ni babañwi ba bañoli, baba zwile kwa Jerusalema.*

*Mi ha bona babañwi ba balutiwa baca buhobe ba silafezi, fo kikuli, ka mazoho asika tapa, ba ba fumanela mulatu.*

*Kono haili Bafarisi, ni Majuda kaufela, ha ba si ka tapa kwa mazoho... ha bakoni kuca, neba swalelela—neba swalelela kwa lizo za bashemi.*

*Mi habazwa kwa misika, ha bacangi, lico, konji baikenise. Kunani lizo zeñwi zeñata zeba—zeba... amuhezi ni zeba amuhezi ni... kumalela, ... zecwale ka kucupweka likomoki, ni lindondo, ni lipiza za kopa mwa mezi.*

*Mi cwale Bafarisi ni bañoli ba mu buza bali, Ki kabakalañi balutiwa bahao habasa mameli sizo sa baikale, kono baca lico zabona ka mazoho asilafezi?*

*Ali ku bona, Kihande Isaya naapolofitile hande zamina baipi, sina mo kuñolezwi kuli, Batu ba ba ni kuteka ka milomo yabona, kono lipilu zabona li kwahule ni na.*

*Ba ni lapela feela kusina tuso, kakuli lituto zebaluta ki milao ya batu.*

Halu lapeleni.

<sup>105</sup> Mulimu Yomunde, kuteka Linzwi la Hao cwale, mi ha Li taleleze se Li lumezwi. I tusise luna sina liitusiso za ku Li bulela, ni lizebe zaluna kuli li utwe Wena, mi lipilu zaluna li Li amuhele. Lu kupa ka Libizo la Jesu, kwa kanya ya Mulimu. Amen.

<sup>106</sup> Cwale, tuto yaka fa nako yelikani ki ye... Ni...

<sup>107</sup> Lu inzi fa muhala wa luwaile naha kaufela kakusasana cwana baluteeleza. Mi Ni utwisia kuli mulikana ka yomunde,

Roy Borders, usweli wateleeza, na katezi maswe maabani busihu. Ne ni libezi kuli neluli fa silimba...kamba fa muhala wa luwaile lo maabani busihu. Roy, kaufela ko uinzi, haiba uteni mwa San Jose mwa keleke koo, kamba mwendi ki kwa keleke ya Muzwale McHughes, kamba kaufela ko uinzi, usike wa saba, muzwale waka, kaufela likaba fela hande. Ina inge uiketile, fela... U ka ni zibisa zona, Roy; usike wa bilaela, mwana ka, ube ni tumelo ku Mulimu.

<sup>108</sup> Tuto yaka kakusasana cwana kikuli: *Kulika Kuezeza Mulimu Sebelezo Isi Ka Tato Ya Mulimu*. Cwale, yeo ki palo ye ipitezi, mi Ni sepa kuli Mulena uka lu patululela zona cwale. Muhupule, “Kulika kuezeza Mulimu sebelezo isi ka tato ya Mulimu.” Cwale, yeo ibonahala kuipitela luli. Kono, ku yona yee, mwendi Mulimu wakona ku lutusa.

<sup>109</sup> Nto yeñwi ye Ni tabela kubulela kakusasana cwana, kikuli lutabile fa kuba ni mulikana ka mwahala luna, mulikani yomunde hakalo, mutangana yomunca fela. Buñata bwa mina sicaba fa silimba cwale mwakona...kamba fa...kwa mihala ya mawaile, mwa ziba yoo ali yena. Kacenu ki zazi la kupuzo ya kupepwa kwa hae, myaha ye nainte-sili, Muzwale Bill Dauch yaliteni fapila ka fa, nainte-sili myaha ya kupepwa.

<sup>110</sup> Myaha nyana kwa mulaho dokota naize, “Hakoni ku pila.” Ni muboni fela hatiloina fa cwale. Mwatasa tende ya oxygen, mi musala hae mulatiwa ani biza ali, “Muzwale Branham, haiba ulibelela kubona mulikana hao wa mucembele, Bill, inza pila, mbwesha utahe ona fa.”

<sup>111</sup> Mi Na... Iliñwi ya mataya aka ne i pazuhile mwa matuko, liwili laka ne li comohile kwateni, mi Na pazula taya yaka ka kulika kufita kuyena. Ne ni sweli fela kuzwa kwa—kwa—kwa sitishini, sitishini sa mafula, mi ha ni zwa mwa sibaka mo ne Ni lobezi Na pumula mwa Ohio kulika kufita kuyena, mi ha ni zwela fande Na bona pono. Mi fani ne kuyemi Muzwale Dauch, inza yemi mwa keleke ni lizoho mwahalimu; ya cinca, mi Na ku bona inge utaha mwa mukwakwa wa to ni swala mwa lizoho. Yali, “Zamaya u mu bulelele, ‘KISONA SA BULELA MULENA.’”

<sup>112</sup> Nana ni myaha ye nainte ya kupepwa nako yani. Na katazwa ki kutibana mwa ni butuku bwa pilu maswe mase luli. Dokota ya bunangu luli. Muuna wateni ha ki...ha lati kuli...Batihi, Hanina kubulela cwalo. Ki muuna fela yakona kuikungela dokota ufi kaufela ya tabela. Nana ni dokota yomunde luli wa mu Juda yana ni katani mwa muyaho mi ali, “Hakuna kolo kuli apile.”

<sup>113</sup> Mi Na kena teñi ni kushelisa lizoho laka mwatassa tende ya oxygen yani, se Nili, “Bill, wa ni utwa njii?” A nyunga toho ya hae. Se nili, “KISONA SA BULELA MULENA, ‘Ha u na kushwa cwale.’”

<sup>114</sup> Biki fela kuzwa fani, ha Ni yo fita fa katala kuli kutaze Liñusa laka, ki yo Muzwale Dauch ataha inza zamaya mwa muyaho mwani. Mi ha Ni yo fita mwa Restiranti ya Furr, fabuse... Ni talusa Blue Boar, kwani kwa Louisville, kiyo utuluka mwa mota, inza zamaya mwa mukwakwa, inza otolozi lizoho la hae; ona cwalo fela kuya ka Linzwi la Mulena. Mi yeo ki myaha yemilalu kamba yemine kwa mulaho; mi fa uinezifafasi fa mo, mwa Shreveport (upotoloha naha, isiñi ka fulai cwale, ka mota), uh-huh, uteni mo kakusasana cwana. "Kitabo yakupepwa, Muzwale Dauch." Zeo lizwelela mwa naha kaufela, kuzwa kai ni kai. "Mulimu aku fuyole!"

<sup>115</sup> Ne ni mu kolobelize, sapili neli mu Trinitarian, Na mu kolobeza hana li wa... neli ulimuñwi wa mikopano yaka, fani Muzwale Banks Wood hana mu kutiselize liapalo za hae (ki muuna yomunde hande kwa siyemo, sina ha mubona), mi akena mwa lisa mi Na mukolobeza mwendi inge ali wa myaha ye eite-faifi kamba nainte ya kupepwa, ka Libizo la Mulena Jesu. Na bulez kuli na sa ikutwi hande konji ha fumana silelezo yani ya sesiñwi. Mi a amuhela lizazi la kupepwa ko asike kusupala ni kamuta. Yeo ki niti, Naha yende yani. Yena mane ukulubela kupila kuli abone Kutaha kwa Mulena; zakona kuezahala. Kono haiba a lobala, uka... mi luna lube lutona nako yeo, uka zuha pili. Kiniti. Kacwalo, Muzwale Dauch, hakuna mukwa wa ku mbwinja zeo. Utensi luli mwa mukoloko. Inelela ona foo, muzwale waka, ni Mulimu aku fuyole. Mi Ni itumela ku Mulena ka muuna yomunde ya cwalo, ni ka kumufa myaha ye kamukana.

<sup>116</sup> Mwa Buka ya Makolonika, "Kulika kuezeza Mulimu sebelezo isi kuba ka tato ya Hae." Mulimu u ipitezi, pili, lubata ku utwisia seo. Sicaba kacenu ba komoka kuli kiñi halusina ancafazo. Kana mu lumela kuli Mulimu uipitezi? Mwabona, Bibebe i bulela ona cwalo.

<sup>117</sup> Mi lu lika... Sina hane Ni ambola ni sikhata sa mizwale baka babande, mizwale ba Baptist, ha ki kale hahulu, mi se bali, "Muzwale Branham, lukona fela kuba ni ancafazo ha lu nga Linzwi, linzwi ka linzwi, likepe ka likepe, taku ka taku."

<sup>118</sup> Mi se Nili, "Na lumela hape, ki likepe ka likepe." Ki hali... Na li, "Ba bile balika kueza cwalo nako yetelele."

<sup>119</sup> Ki hali, "Kono lu swanelu kufumana toloko ya Sigerike ya Linzwi, zeo Sigerike si bulela."

<sup>120</sup> Se nili, "Ha ni si ka bala hahulu, kono ka kubala litaba za kale za keleke, ni za *Nicæa Council*, mi ni yani ya *Pre-Nicæa Council*, ni *Nicæa Fathers*, zeñwi cwao, zene ba kanamisana kwa mulaho *kwani* neli za Sigerike. Zani seli lilimo ze likiti zepeli kwa mulaho. Yomuñwi naize, 'Si talusa se,' mi yomuñwi ali, 'Si talusa sani. Linzwi la Sigerike litalusa se.'"

<sup>121</sup> Inge fela mushobo waluna; wa linzwi lakuli *kubona*. Muitusise linzwi leo *kubona*, ukona katalusa "sibaka sa mezi,"

"Na utwisia," kamba lika zeñata. *Kupunya*, ikona kuba, "kupunya lisuba, kukona kuzamaya," kamba—kamba "u ni katalize," kamba "ulifile tifo yaka," kamba ikona kutalusa sika kaufela... lika zeñata. Mi ona manzwi nyana ao, ni zeñwi cwalo, li cincanga fela taluso. Kona kuli hamuna ku li eza ka nzila yeo. Mulimu na Li ñozi ona cwalo, kakuli... .

<sup>122</sup> Mi ni Linzwi kaufela li susumelizwe, mi U bulezzi kuli, "Na itumela ku Wena, Ndate, U patezi litaba ze kwa meto a baba butali ni ba ngana, mi uka lipatulula" (amen) "kwa limbututu zekona ku ituta." Ki sinulo ya Hae, sina hane Ni bulezzi maabani manzibwana, "Uka Li patululela limbututu."

<sup>123</sup> Ne ni ize, "Halina ku beleka, sha." Ne ni ize, "Ancafazo haina kutaha konji Mulimu, yena Mulimu ya pahami, a i lume; mi he Ukona kunga sitimbi sa mafelelezo sesi sakoni neba kuñola libizo la sona, ni kueza zetuna ka sona, ya sa zibi Sikuwa hande lu sa buleli Sigerike."

<sup>124</sup> Kona sa Na ezize ka nako ya na kutaza Pitrosi kwa Pentekota, mwa ziba, mane na sa zibi neba kuñola libizo la hae, sitimbi ya si ka ituta. Kono Mulimu uezanga lika ka nzila ye ipitezi kuya ka buino bwa minahabo. Zeo kona ze mu eza kuba Mulimu. Kambe Nana ni sikuwa sa baituti ba za bulapeli ni baika, ni babañwi cwalo, neba kali, "Keyafasi ya butali, mwa bona, una ni zona hande." Kono Mulimu ashetumuka mi aikungela bayambi bene ba sakoni neba kuñola mabizo abona, mi kona ba Na ikungezi. Yoo ki yena Mulimu, Unga sika sesisina tuso ni kueza sesiñwi ku sona kutaha ka likute la Hae Tota. Anga ziyezi ni kuifetula kuba Edeni. Uh-huh, ki Mulimu.

<sup>125</sup> Cwale, haiba kuna ni yana ni liitusiso za ancafazo, ki muzwale waluna yaishuwile, Billy Graham. Kono liitusiso li lukile, kono liitusiso halikoni kushenya, si lwala mata kuli lika lishenye. Wakona kupanga mota, kubeya lipula zende kuyona, kueza ma pisitonni amande ni—ni kubonisa sayansi se i kona kueza; kono konji haiba mata ateni, ki siemba se si swanelia fela kushwa.

<sup>126</sup> Kacwalo, mwa ancafazo ya ba Welsh, iliñwi ya lincafazo zaluna za kale kusikaba kale Mapentekota, hakuna ya ziba sene si kalile ancafazo, neli fela sikuwa sa batu.

<sup>127</sup> Cwale, haluka ba ni kaufela... mulikana ka, Billy Granham, lukaba ni ba Presbyterian kaufela, ni ma Lutheran, ni Mapentekota, ni babañwi kaufela, bakena mwa muleneñi ni kuba ni kukopana hamoho kokutuna likitikiti, mi likiti ze mashumi amalalu litaha (mwa lisunda zepeli) mi bafa lipilu zabona ku Kreste; haba kutela kwateni kasamulaho wa lisunda zwepelii hakuna neba alimuñwi kwateni. Mwabona, zeo kona libelekiso. Kono mutuhele Mulimu mwa sishemo sa Hae sesi ipitezi abulele fela ni sitimbi sesiñwi, sina kubulela kuli, ki mutu yomunyinyani fela; alumeleze Moya

wa Hae utahe mwa muleneñi kipeto baana habana kusebeza, basali habana kutapisa mikeke, mubeleki wa mwa lapa haana kuyala mumbeta, kuhuwa ni kulila ni mazoho ali kunanuhela mwahalimu. Yeo kona anzafazo, yeo ki yona mwa tato ya Mulimu.

<sup>128</sup> Ne ku bulezwi kuli baana babañwi baba kutekeha nebazwa kwa keleke bay a kwa Wales mo ni utwisisiza, kamba kuyo fumana sene libelekiso za ancafazo yateni, ka nako ya ancafazo ya ma Welsh. Mi ha ba yo tuluka mwa sisepe ni likuwani zabona zetelele kwa litoho, ni makola abona a kama hande mwa mulala, babona, inge bali mwa nzila cwalo, kutaha mupokola wa muuna, inza potolosa mulamu wa hae mwa lizoho *cwalo*, inza liza muloli, se bali, “Muuna yomunde tuwe, aku ni bulelele ko ku ezahalela ancafazo ya Welsh?”

<sup>129</sup> Ki hali, “Eeni, mizwale yaka, tuyemi mwahala yona luli!” Uh-huh, uh-huh, uh-huh. Ki hali, “Mwa utwisia, *Kina* ancafazo ya Welsh,” ali, “kakuli ancafazo ya Welsh i ku na.”

<sup>130</sup> Zeo li ipitezi! Kona za ezanga Mulimu, mi Yena fela anosi ki yena yana ni tukelo ya kuluma ancafazo. Isiñi kunga lisebeliso hamoho, ki kulapela kuli Mulimu alumé mata—mata ateni.

<sup>131</sup> Yena fela anosi ki yena yapatulula Linzwi la Hae ku muketwa. Cwale, ha Ni itusisa linzwi lakuli *kulemuhiwa* kale... Cwale, ki linzwi le limaswe kuitusisa lona mwa nyangela, sihulu haluna ni sicaba se si kopani kopani mwahala ba Arminian ni Makalbin. Mi isiñi fela... Ni mi kupile kuli musike mwa hupula kuli Ni ziba lika kaufela, kono bubeli bwa bona bafosa kuya ka Mañolo. Sishemo kona sa ni ezelize Mulimu, misabezi kona ye Ni Mu ezeza. Mwabona? Fohe kipeto mu na ni Zona. Haiba mu ka pahama fa mutai omuñwi wa yona, muka ipumana kwa mafelelezo a mutai mi mu ka palelwa kukuta. Buka ya Maefese ya li kopanya hamoho, Na sepa.

<sup>132</sup> Cwale, kono haili linzwi, ha Ni itusisa lona, *kulemuhiwa*, musi nahani kuli Ni... leo kona fela linzwi le Ni ziba ku—ku bulela... Ki kuziba kwa Mulimu kwa makalelo, mwabona, kuli Na zibile. Ha—Ha si ka li... U—U shwile ili kuli kamukana ba piliswe, U ezize ona cwalo, kono ka zibo ya Hae ya makalelo Na zibile ya na ka piliswa ni yasike kupiliswa. Mwabona? Zeo kona Za ziba, Na hani zibi ni mina hamu zibi, kacwalo lu belekele puluso yaluna ka sabo ni ku ngangama.

<sup>133</sup> Cwale, kono Mulimu una ni Linzwi la Hae litomilwe, mi ubile cwalo mwa masika kamukana. Zibo ya hae ya makalelo kona ye Mu konisize kuli abeye mwa keleke, ni mwa batu, lika zeñwi Za ezize kwa simuluho. Mi kipeto Evangeli ye kutazwa kwa lusika *loo* i patululwa fela kwa sicaba ona seo kihona, babañwi ba bona ha ba Li boni. Mwabona? “Na i tumela ku Wena, Ndate, Upatezi litaba ze kwa meto aba babutali ni ba ngana, ni ku Li patululela kwa limbututu zekona kuituta.” Mwabona, koo ki lumemuhiwa

cimo. Isiñi kuli Na li ezize cwalo, mu li, “Ni ka keta *wena*, mi hanina kuketa *wena*.” Ka zibo ya Hae ya makalelo, Na ziba se ne muka eza.

<sup>134</sup> Ka Yena kuba yasafeli... Kana mwa lumela kuli Hafeli? Haiba Haki ya cwalo, Hakoni kuba Mulimu. Mi, mu nahana kuli, kuba yasafeli: Na ziba mununu kaufela ono kaba mwa lifasi, ni linako zeika kobia meto a yona minunu yeo, ni buñata bwa lisuzo lelikaba mwa mununu ufi kaufela, litali kaufela la bucwaní fo ne li ka mela; koo ki kuziba kokusafeli. Mi luna ni kufela, lu sitatala mwa lififi. Mulimu ulu swanisisa kwa lingú, mi luswanela kuba ni Muzamaisi. Mi Muzamaisi yani ha ki mutu, Muzamaisi yani ki Moya o Kenile, ona Moya wa Kreste mwahala luna. “Fa nako nyana lifasi halina ku Ni bona.” butu bwa Hae bwa zuhela kwa Lubona lwa Mulimu, *kone* kuna ni Moya fa Lubona; cwale Kreste u inzi fa Lubona, Jesu. “Fa nako nyana lifasi halina ku Ni bona, kono mina mu ka Ni bona, kakuli Ni kaba ni mina kuisa kwa mafelelezo a lifasi, mane mwahala mina.” Lubona lwa Mulimu, lwa Kreste, lu yahile mwa lipilu zamina; U inzi fa Lubona lwa Mulimu, kono mwa Mileniamu U ka ina fa Lubona lwa Hae Tota; kanti, Na ikonkile kuli Uka zusa Muuna yoo, Mwana Hae, Mwana Davida, kuli aine fa Lubona lwa Hae.

<sup>135</sup> Cwale, U patulula litaba ze ka zibo ya Hae ya makalelo kubona ba Na zibile kale ni kuba ketela kwa lika zeo, kusi cwalo habana ku Li bona. Bayema fani cwalo, inge ba Li talima luli, kono bapalelwa ku Libona.

<sup>136</sup> Ki ba bakai babakile babona fateni siswaniso sa komu mwa sicacani, kuli muna ni kutalimisisa ni kutalimisisa? Kana mukile mwabona zeo? Kamba, kubona siswaniso sa Kreste mwa sicacani, kamba mwa mbyumbyulu, kamba mwa malu? Mwabona, muswanisi yoo ulyanganisize lika zeo kufitela mu li talima ka nzila yeñwi. Kihande, he, ha mu sibona, hakuna semukona kubona kwanda sona. Nako kaufela ha mu talima, ki sani fani. Ki ba bakai bababoni fateni maswaniso ao? Kihande, luli mu aboni.

<sup>137</sup> Kihande, kona mwa inezi Kreste cwalo, Kasibili, ki Evangelí, leo ki Liñusa. Ha ne muboni Liñusa la hola ye lwapili, hakuna se mukona kubona kwanda ona Seo. Ku felile. Lika kaufela li icongile, ze siyezi zateni fela ki ze kwahela, mwabona, mwabona, ha mubona Liñusa!

<sup>138</sup> Yani—neli nako ya Nuwe. Mi Nuwe ni sikuwata sa hae... mwabona mukwa... Ha ba bona Liñusa, hakuna sene sili butokwa. Mi sikuwata sa Mushe ha si Li bona, hakuna zeneli butokwa. Mi sikuwata sa Joani sa Li bona, hakuna sene sili butokwa. Sikuwata sa Jesu ha si Li bona, hakuna sene sili butokwa. Mi sikuwata sa baapositola ha si Li bona, hakuna sene sili butokwa. Sikuwata sa Luther ha si Li bona, sikuwata sa Wesley ha si Li bona, sikuwata sa Mapentekota ha si Li bona, hakuna sene

si li butokwa, ba zwa kwa lika kaufela. Kiñi? Ka zibo ya Hae ya makalelo A lukisa lika ze kuli liezahale.

<sup>139</sup> U keta mutu wa Hae Tota ka zibo ya Hae ya makalelo. Sina mwa Na bulelezi mwa Maroma 8 mo, kuli Esau...kuli ku—ku kuketa kwa Mulimu kuyeme hande. Kuli Esau ni Jakobo bubeli bwa bona ne ba pepilwe kwa bashemi baba kenile, mambile, kuli keto ya Hae ikone kuyema hande ni ka niti, Mi ali, “Ni toile Esau, mi ni lata Jakobo,” mane kusika pepwa kale mushimanu ufi kaufela. Mwabona? U ziba ze li ku mutu, na li zibile kuzwa kwa simuluho mo ne likabela, kabakaleo Wakona kueza kuli kaufela libeleke hande ka nako yeswanela. Kaufela lwa ikalelwanga ni kufilikana; ha mu si ka Mubona kale ha filikani. Haba boni cwalo...Mwabona? Lika kaufela libeleka fela hande, hande fela, waci isweli ya zamaya hande.

<sup>140</sup> Litaba ze lukela kuezahala ze, basali ba kaufela ni milili ye kuswani cwalo, ni baana babatina za bona...baba na ni milili yemitelele inge bafumahali ba bona. Na ba bona, kaniti, ba na ni ze tatanisa milili mwa litoho za bona, ba itatanisa kwa pata. Ha ki kulyangana ni koo! Zeo ki linepo za Edeni ya Satani. Ni kueza sina yena: musali ulika kukuta milili ya hae inge muuna hae; muuna hae utuhela milili ya hae kuhula ya hae inge ya mufumahali wa hae. Mi musali utina liapalo za muuna, mi muuna utina liapalo za musali za kwatasi. Mwabona, kifo he cwale. Musali uba sina muuna, mi muuna uba sina musali mwa mikwa. Mwabona, ki Edeni ya Satani, kushutana ni mwa na ibuzezi Mulimu kwa simuluho. Yeo kona Niti.

<sup>141</sup> Ha Ni sa kalisi, haluna kukena mwa taba yee. Kono lika zee, ni nzila ya kuli Aeze lika ze, ni ya ka lieza, yeo ki nzila ya Hae Tota feela. Ya iketela. Kona Mwa batela kuezenza cwalo.

<sup>142</sup> Sina ha Ne ni utwa Muzwale Pearry Green, mulisana a luna kwa Tucson, hana kutaza busihu bobuñwi ka mo Mulimu na ezelize lika zeñwi ka nzila yeñwi (Ni libezi toho yataba kuli neli ifi.), kono naize, “Cwalo kona Mulimu mwa latela ku liezezanga, kona Mulimu mwa liezezanga.” Kihande, ki niti yeo.

<sup>143</sup> Cwale, ki mañi mwahala luna ya ka Mu bulelala kuli U fosize? Kimañi ya ka nyamatala kubulela inza talimile Mulimu kwa sifateho, mi abulele kuli, “U fosize, Mulena, U lukela kuezza ka nzila ye Ni tabela, nzila ya Dr. *Wakuli-ni-kuli* ubulezi kuli liezwe cwana”? Kimañi ya pahami mwa minahano ya hae, ya ka bulela nto yecwalo? Batili, haukonu ku inata fa sifuba ni kubulela cwalo, kono wa nahana ka zona!

<sup>144</sup> Sina mwa Liñusa la ka kaza *Antikreste*, “Ku kataha bokreste ba buhata.” Cwale, Na si ka bulela kuli *Bojesu* ba mahata. Mwabona, hakuna yana ka li yemela kubizwa kuli “*Bojesu*,” mwa manzwi a Mulena. Kono *bokreste* ba buhata kutalusa kuli “ba tozizwe.”

<sup>145</sup> Oh, bona, mañi ni mañi unahana kuli u tozizwe, “Kanya ku Mulimu, wakona kueza *se* ni kueza *sani!*” Kono mu mubeye fa tatubo ya Linzwi mi mubone sa ka taha kusona, mwabona, ki Liñusa la hola.

<sup>146</sup> Neba na ni tozo mwa linako za Jesu, kono isi ka Yena.

<sup>147</sup> Nebana ni tozo mwa nako . . . Neba Datani nana ni tozo mwa nako ya Mushe. Na ize, “Cwale, usike wa ipona kuli ki wena fela unosi mwahala luna, Mulimu una ni babañata. Lu ka kalisa fela kopano fa, sikuwata sa baana.”

<sup>148</sup> Mulimu ali ku Mushe, “Zwa mwahala bona,” mi A kwalula mubu mane wa ba miza. Na file Linzwi la Hae la makalelo ku Mushe, mupolofita wa Hae; yeo kona nzila fela inosi Ya kile aeza cwalo, mi kona nzila fela Yeo akana aeza kayona. Ha cincangi mulelo wa Hae, mwabona.

<sup>149</sup> Kacwalo milelo ya luna i fosahalile, kamita. Mi musike mwalika ku Mu bulelela kuli Wa “fosa.” Hakuna taba kamba lunahana kuli ya pasize hande ki ufi, ha ki luna baba lukela kubulela ya pasize hande. Cwale, foo kona fo mukenela mwa kopano.

<sup>150</sup> Muzwale nyana yomuñwi yatezi Moya o Kenile uka liba mwa muleneñi ni kuyaha kopan- . . . kuyaha si—si sikuwata sesinde sa batu. Mi kwa mukopano ba ka kubukana, ni mizwale yekenile kaufela iputehane teñi, mwa ziba, mi bali, “Kana mwa ziba? Ni lumela kuli ki *Jones* yomuñinyani fa,” (yena ki mwanana nyana fela mwahala bona) “Ni sepa kuli ulukela kuba ni tabernakele yende yetuna yani, Na sepa. Kana hamuboni kuli zeo li lukile?” Batili, mawi. Ki yani waya. Mi kipeto puteho ya hasana. Mwabona? Kukauhanya bao! Mulimu ki yena ya kauhanya, Ki yena Fela Ya eza lika. Kono kaufela bona, ufi ni ufi, utabela kunga mwanana *yoo*, ku mu beya *mo*, mi *yo* yena atahe *fa*. Wo ki muhupulo wa mutu.

<sup>151</sup> Mutu una ni linotolo, kono ki Mulimu yasweli linotolo mane. Bafa balutiwa, keleke ye kenile, linotolo; mi mutualime nako yapili ye ba itusisa yona, fani Judasi ha wa ka sibi. Ba taha hamoho mi ba nuha ka kulaula; ni mizwale baba kenile. Kimañi ya ka bulela kuli ne si mizwale ye kenile? Ki mañi ya ka bulela kuli ne ba si ka kena? Kono ba laula, mi ya wela ku Matiasi. Mi cwale ha mano. . . . Ki sikamañi sa na ezize? Hakuna. Kono Paulusi ki yena yana ketilwe! Amen. Yani neli keto ya Mulimu: yomunyinyani, wa ngo ye yesikami inge kashuto, yabuhali, Mujuda wa kacima-cima. Isiñi Matiasi, wa D.D., mwa ziba, na—na li. . . . Ki Paulusi. Mulimu neketile Paulusi; keleke yaketa, yaketa Matiasi. Mwabona? Hauna tukelo yakubulela Mulimu kuli U “fosize.” Yena wa ziba sa kueza, Wa ziba mutu mwa bupezwi.

<sup>152</sup> Kimañi yakona kuba . . . Keleke yani neiketile Paulusi nji? Oh, batili, kutokwa. Nebaize kuli, “Muuna yani ki yena ya lukanya mwa tolongo.”

<sup>153</sup> Kono Mulimu ali, “Ni ka mu bonisa mwa ka to ni Nyandela.” Wa ziba cwalo.

<sup>154</sup> Ku lukile, hakuna taba kamba lu nahana kuli ki mañi ya lukile, Mulimu uziba ya swanela hande kakuli U ziba pilu ya mutu, Wa ziba.

<sup>155</sup> Kamba neba ancafazo, neba lika zee, ha li si ka ezahala ka nako ye lunahana kuli li ka ezahala. Lu nahananga kuli, “Ki yona nako ye onafa cwale, kanya ku Mulimu!” Ni lemuhile mwa likwata za luna ni zeñwi cwalo za Baana ba Pisinisi, “Kuna ni zetaha cwanoñu fa, haleluya, ancafazo yetuna!”

<sup>156</sup> Musike mwa ipumelwa, “U tile kale, mi ba mu ezize mo ba latezi.” Mwabona? Kono ba nahana kuli kuna ni ancafazo. Isweli ya ezahala kana? Batili! I ezahalile, mi se ishwile, ku felile. Uh-huh. Mulemuhe, ye ki nako ya kutukisa lilambi, kuzwela fande ni kukena mwahali. “Ba ba libelela ku Mulena baka fiwa mata amanca.”

<sup>157</sup> Mulemuhe mo mwa taba yaluna, mulemuhe Davida, mulena wa Isilaele, neli yena yana bile ni sinulo ya ku kutisa areka ya Mulimu mwa sibaka sa yona; kuli, ne ba si ka buza mwa mazazi a Saule kakuli Saule na wile. Kacwalo ne ba si ka buza kazona ni hanyinyani, za bulikani, mwa mazazi a Saule, kakuli na wile mwa tumelo mi azwa ku Mulimu. Kacwalo Davida, kapili, ni susumezo . . . Cwale mulemuhe se, ki palo ye siyo hande ha mu sa ingi hande. Mi Ni ikutwa kuli seli hola yeo lu lukela kuba baana sakata isiñi limbututu. Uh-huh. Lu swanela kuba ni nama yetiile kufita kuba ni mabisi.

<sup>158</sup> Mulemuhe Davida, mulena wa Isilaele, mulena kona ha na sa zo beiwa fa bulena; kamba kuketiwa kuba mulena, Saule . . . Samuele ki yena yana mu tozize ka tato ya Mulimu; mi yena neli mulena ya ketilwe ki Mulimu hande, kusina likañi mane. Mi ki yo faa, mi tozo ya mutahela. Ne li patuluzwi ku Davida. Aba ni sinulo, hakuna usili hape yana bulezsi sika ka zona. “Ha lu yeñi luyo kutisa areka, kakuli ki tato ya Mulimu kuli lube ni areka kwanu ni luna, kuli lubuze Mulimu ka areka.” Luli, luli neli taba yende. Nji hamuboni cwalo? Ku lukile.

<sup>159</sup> Muhupule, kono, yena ka kuba mulena, ni kuba ni sinulo, afitelela mululwani wa sibaka sa hae. Nekuna ni mupolofita mwa naha wa libizo la Natani, ki yena yana lukisizwe kuba ni sinulo. Hakuna ni sika sa kubulela, Na bulela kuli, “Mulena hakuna sa ezanga konji Asipatulule kwa batanga ba Hae bapolofita.” Kono, mwa bona, Davida ka kuba mulena, ni tozo fahalimwa hae . . . Cwale, kana leo ki Liñolo nji? Tozo fahalimwa hae, a amuhela sinulo yaniti; kono ne ku fosahalile: Kakuli Natani neli mupolofita wa lusika lwani; mi sinulo ne i si ka taha

ku Natani; cwale sinulo ha i tahela Davida, na si ka buza Natani ka zona. Uya fela kwapili ni kueza za na bata kueza. Uh-huh.

<sup>160</sup> Kono mulemuhe yo Davida na buzize mo mwa kauhanyo ya 13, “Kono abuza bazamisi ba litopa za likiti ni ba litopa za mianda,” kukutela kwa kopano ya hae. Mwabona? “Cwale, kikuli ha muboni kuli lu lukela kueza...?” Zeo ha li cwalo. Cwale, na lika kuezeza Mulimu sebelezo, kono na si ka supiwa kueza cwalo; mwabona, kakuli Mulimu nana ni nzila isili.

<sup>161</sup> Kinto yeswana fela sina Mulimu ha na ka bulela ku—ku mulena za sitombo sa hae ni kufoliswa, kono Na si ka bulela, Na lukisize nzila ya kueza zeo ka yona, mi neli ka mupolofita wa Hae. Kacwalo A bulela ku mupolofita, Isaya, amu bulelala kuli akute ayo bulelala Hezekia ze ka ezahala.

<sup>162</sup> Cwale, Hezekia na bulelanga pata ni pata ni Mulimu, ni—ni Mulimu na ambola ni Hezekia, eeni shaa, kono A lukisa linzila zeñwi! Mwa utwisisa zeo? Mulimu una ni nzila ya Hae Tota ye tomilwe mwa kuezeza lika: kuluma lincafazo, kubulela, kuambola, zeo lili zona kaufela. Una ni nzila ya Hae mwa kuezeza lika, mi luna haluna mayemo a ku Mu bulelala mwa kuezeza. U liezanga ka Mo alatela kaufela.

<sup>163</sup> Kacwalo, mwa bona, Davida, kakuba ya susumelizwe... Cwale, mwa hupula ha Ni bulela za, tozo, tozo ya buhata? Muhupule kuli Moya o Kenile wakona kutaha ni kutoza mutu, mi niteni ha ki ka tato ya Mulimu. Fa, Li pakilwe hande fa. Mwabona? Lu swanelia kuya ka nzila ya Mulimu fa kueza lika, isiñi ka linzila za luna, nzila ya Mulimu mwa kuezeza lika. Kakuli, Davida, kakuba mulena, ya tozizwe, atozizwe ka Moya wa Mulimu ku yena (mufuta wa Jesu Kreste), kono ne si muzamao wa Mulimu.

<sup>164</sup> Mi kopano kaufela, “ya tabela ka zona,” kubulela Bibele. Mulemuhe, bazamaisi ba litopa ze likiti ni litopa ze mianda, hape ni baprisita ni baituti ba bona ba hupula kuli ki nto “yende.” Ki ze fa likolo zamina za Bibele ni lika kaufela, neba hupula kuli ki “zende.” Neba sicaba kaufela sa lumela, ni baprisita, ni—ni kaufela bona ba lumelelana kuli tozo ya mulena ne i lukile. Mulemuhe! Kono Mulimu na si ka sepisa kupatulula Linzwi la Hae mwa mwaha wateni ku *bona*. Mulimu nana ni nzila ya Hae ya kupatulula Linzwi la Hae, isi ku *bona*. Muhupule, ne li shutana ku Mulimu.

<sup>165</sup> Nto yeñwi sina mwa mazazi a Mikaya mwana Imila. Mwa hupula likande lani? Juda ni Isilaele ne ba kauhani, mi nebana ni mibuso yemibeli yeshutani, mi Akabe kiyena yanali mulena wa mibuso omuñwi. Mi Jehoshafati na na busa mulena—muleneñi wa Juda, Na lumela neli ona; mi Akabe neli wa Isilaele, Jerusalema.

<sup>166</sup> Mulemuhe, mi sekutaha sikuwata sa bazwahule mi amga siemba sa naha yene filwe ki Mulimu yeo Mulimu nafile kwa

Isilaele, ni Bafilisita bani kulo kwani, kamba Masamaria, neba kumalezi kwa na ha yani mi ne ba fepa bana ba bona ka zelimwa za na ha yene lukela kuba ya Isilaele. Mi kacwalo ne ba tokwa sibaka sa kufepela bana ba bona ni mabasi abona tota. Mulimu abafa . . . Zani neli litukelo ze ba konka zana ba file Mulimu.

<sup>167</sup> Mi kacwalo Akabe abiza Jehoshafati kulo kwani, mi ali, “Taha shetumukela kwanu.” Mi ali, “Talima kwanu sa sweli kueza sila sa luna. Kana ki swanelo kuli luna, sicaba sa Mulimu, ni liswanelo zefilwe ki Mulimu kuli lube ni na ha yee, ki ya luna, Mulimu ka mupolofita wa Hae, Joshua, na abile na ha ye, ilukela kuba ya luna, ki ya luna, kwa bana ba luna, kanti kwanu baluului ba i hapile? Kanti luna luna ni . . . Lu na ni tala hahulu, kono bona bana ni liswanelo ze ba filwe ki Mulimu. Kikuli ha u nahani kuli lu swanela kuya lu yo kutisa na ha ya luna? Haiba uka kopanya limpi za hao: haiba mina ba Methodist, ni ba Presbyterian, ni mina kaufela, ni ba Presbyterian, ni Lutheran, ni babañwi cwalo, kamukana babana ni siemba sa katengo ka swaliso kwanu cwale, kaufela luine hamoho, ni kunga taba yeñwi.” (Ni bulela ni kuambola mwa nguli cwale.) “Lu ka li fumana.”

<sup>168</sup> “Kini,” mi ali, “kaniti, kaufela lu balibañwi.” Uh-huh.

<sup>169</sup> Cwale, Bibele iize, “Bababeli bakona kuzamaya cwani hamoho ha ba sa lumelelani?” Mwabona?

<sup>170</sup> Nekuna ni muuna yomutuna yani, yena muuna muhulu wa Pentekota yani, Jehoshafati, ato lyangana ni sikuwata se si fosahalile. Mi kona zene ezahalile zeo kwa Pentekota yaluna kacenu. Kuna ni baana sakata luli mwani, kono ba zwakani mwa sikuwata sa kopano. Amuzwe mwa lika zeo! Li kutilwe ki Mulena!

<sup>171</sup> Mulemuhe cwale! Kiyani nali fani, mi ali, “Eehe, zeo li utwahala hande.” Ali, “Likoloi zaluna ki za hao; sicaba sa hesu. Hanili kaufela, lu Majuda. Luli, lukaya hamoho ni wena.” Kono neli bulapeli nyana fela bone busiyezi ku Jehoshafati kubulela kuli, “Kana ha u boni kuli luswanelo—luswanelo kubuza Mulena pili?” Mwabona? “Ni sepa kuli ikaba mulelo omunde.”

<sup>172</sup> Kiñi, Akabe, “Eeni sha.” Ali, “Kiñi, oh, luli, Ne ni swanela kunahana cwalo.”

<sup>173</sup> “Kihande, kana kuna ni muuna wa Mulimu kokuñwi? Kana una ni mupolofita nji?”

<sup>174</sup> “Ah, Nina ni baba mianda yemine babona. Nina ni katengo kakatuna kwanu, kopano kaufela. Ki bapolofita ba Maheberu.”

<sup>175</sup> Cwale muhupule, Bibele iize nebali “*bapolofita, bapolofita ba Maheberu*,” isiñi bapolofita ba bahedeni, bapolofita ba Maheberu; neli sikolo mutumbi sabona, sikuwata sa baituti ba za bulapeli.

<sup>176</sup> “Kihande, aku batise!”

<sup>177</sup> Mi malena neba apezi hande ni kuina fapila hae kuli batabise mupolofita. Mi kiyoo hataha, Ni lumela kuli neli Zedekia yana tile, nduna wabona yomuhulu wa sikiliti sa baana ba katengo kani, kamba neli sikamañi kaufela, ataha kwani mwahala bona. Aikezeza manaka amabeli amatuna, mi ali, “Ni utwile ku Mulimu. KISONA SA BULELA MULENA, ‘Ka ona manaka aa uka kasha Masiria mane bazwe mwa naха.’”

<sup>178</sup> “Oh, kanya!” mutu kaufela na hupula kuli neli nto yende, hakalo.

<sup>179</sup> Mutualime bukaufi mo libela ni buhali bwa kabemba bwani cwale, mwahala bunde ni bumaswe. Mi muhupule ika wela kwa neku le kamba leliñwi, kufitela litaha nako yeñwi fa sibaka folina ni kuba sina kabemba mwahala shutano ya bunde ni bumaswe. I lukela kuba Linzwi kaufela la Mulimu; isiñi fela kusutelela fakaufi ni Linzwi, kono Linzwi kamukana lona! Mi lifitile fakuli kacenu, isiñi kwa ma Lutheran, isiñi kuba Methodist, isiñi kuba Pentekota, kono kwa lusika lwani lo lu shengile, mwa lusika lo mokuna ni antikreste inza toza kakupetahala, lika puma ni bona ba Baketilwe luli, ba ka wela kwa neku leliñwi ha ba sa tokomeli, sina buhali bobu shengile. Mutone! Mutokomele! Ha lu pili mwa lusika lwa Pentekota cwale. Lu se lu fitelezi lusika lwani, ka kuswana fela sina mo lu fitelezi Lutherana, ni kufitelela... Mwabona?

<sup>180</sup> Mulemuhe. Cwale bapolofita kaufela ba polofita, minda yemine yabona, ne ba fepilwe hande, ba kabile hande, bapolofita ba Maheberu babafa bupaki, bwa buñwi, “KISONA SA BULELA MULENA, ‘Aku kambame, Mulena una ni wena.’”

<sup>181</sup> Jehoshafati ali, “Kihande, zeo—zeo liut wahala hande. Kono,” ali, “kana una ni yomuñwi hape?”

<sup>182</sup> “Usili hape? Luna ni kopano ye kaufela faa, luna ni katengo kaufela kaka kopanezi kwanu. Kiñi ze lutokwela usili hape?”

<sup>183</sup> Mi ali, “Ah, kono Ni hupuzi kuli mwendi kuna ni yomuñwi.”

<sup>184</sup> Ki hali, “Oh, eehe, kuna ni alimuñwi, kono yena ha ki wa katengo ka luna.” Uh-huh. “Ki ya hanilwe. Ki Mikaya, mwana Imila, mi Ni mu toile.” Mwabona? Ali, “Habana ku mu amuhela mwa puteho, mi yena ki linyambaneti fela ka kukala. Kono yena uswalelelanga, fela kaufela za polofitanga, hakoni fela ku susueza sikuwa saka sa bulapeli ni hanyinyani.” Uh-huh. “Mi ueza lika zemaswe ze kaufela, yena kamita u ni polofitelanga fela bumaswe, kakuba ya shutana.”

<sup>185</sup> “Oh,” Jehoshafati ali, “mulena asike abulela ze cwalo. Kono Ni tabelia kuutwa za ka bulela muuna yoo.”

<sup>186</sup> Ali, “Kihande, luka mu biza.” Kacwalo ba luma yomuñwi mwa libaka za lihalaua, mi baluma muuna kwatenei.

<sup>187</sup> Ali, amu bulelola, ali, “Cwale, mwa musipili wa kukuta kwa hao cwale, Ni bata ku kubulelola nto yeñwi. Kikuli ubata ku

kutela kwa kopano hape?” Mwabona? “Kikuli ubata kuba ni kutwano ni bona kaufela hape? Haiba utabela cwalo, bulela lika zeswana za bulela mutoneli wa sikiliti, ubulele lika zeswana ni za bulela bishopu, mi ba ka ku kutiseza mwateni. Cwale ye kiyona nako yakueza cwalo.”

<sup>188</sup> Kono kana mwakona kunahana kuli mutoziwa, mupolifita wa niti wa Mulimu na ka keshebisa fa Linzwi li liliñwi la Mulimu? Batili shaa!

<sup>189</sup> Ki hali, “Ka Mulena yapilia, Ni ka bulela feela sa bulela Mulimu!” Lu tokwa mwana Imila. “Ka Mulena ya pila, Ni ka bulela feela Sa bulela.” Foo ku lukile, “Sa bulela *Yena*.”

<sup>190</sup> Kacwalo ha ba fita kwani fapila sicaba, bapolofita kaufela, ba li, “Cwale, ubulele kuli bona . . .”

<sup>191</sup> Ki hali “Amulibelele, munife fela busihu bwa kacenu, nibone sa ka bulela Mulena.” Kacwalo, busihu bwani, Mulena aiponahaza ku yena mwa pono mi amu bulelela za kubulela.

<sup>192</sup> Habusa kakusasana ki hali, “U bulela sikamañi, Imila tuwe?” kaufela bona inge ba sa yemi fani . . . Ni talusa “Mikaya, mwana Imila,” bali, “ubulela sikamañi cwale? Kaufela luteni fa hamoho, baprisita kaufela, ni bapolifta kaufela ni bapolofita kaufela, ni malena kaufela, ni lika zeñwi kaufela liteni faa hamoho. Ubulela sikamañi cwale kwa katengo tuna kaa?”

<sup>193</sup> Ali, “Kambama cwale,” ali, “kono Ni boni Isilaele ahasanina lingu zesina mulisana.”

<sup>194</sup> Mi Akabe ali, “Ni ku bulelezi sikamañi! Muipanguli yo ukona hahulu kupolofita zemaswe ka na!”

<sup>195</sup> Na ka bulela cwani lika lisili kanti Mulimu na bulela lika zeswana? Mupolofita uswanela kuba mulomo wa Mulimu obulela, isiñi kubulela minahani ya hae fela. Za hae . . . Mwa bona, u felel- . . . u ipile ka kutala luli ku Mulimu, ha lati ku fosa sika, kono una ni kubulela sa bulela Mulimu, kakuli haana zamaiso ya Zona yena anosi. Mwabona?

<sup>196</sup> Ki hali, “Cwale, ha Ni si ka kubulelela?”

<sup>197</sup> Mi ona fani ayakuka mu—mu muuna muhulu ni lunaka, ni ku mubakula fa mulomo, mi ali, “ki kai ko ne kuile Moya wa Mulimu ha U zwile kuna?” Ka manzwi amañwi, haluboneñi ni tatulule seo, “Talima kwanu mwa . . . Talima kwanu, Ni bata ku kubulelela nto yeñwi, Mikaya. Kana u ziba kuli Ni muzamaisi ku za Mañolo? Naa ulemuha kuli Nina ni tozo?” Kamba, “yona Kolobezo,” mo lukona ku bulelela kacenu. “Naa ulemuha kuli Nina ni zeo?”

<sup>198</sup> Imila ali, “Ha ni kakanyi zeo.”

<sup>199</sup> Ki hali, “Kono teezea! Moya wa Mulimu kona o ni bulelezi, mi upakelana ni baba mianda yemine baka ba kaufela fa, kuli lu ka ‘kasha Masiria bazwe mwa naha.’ Mi ki wena mañi kuli

ubulele kuli mulena luna yomutuna uka bulaiwa?” Ki hali, “Moya wa Mulimu kona o ni bulelezi cwalo.”

<sup>200</sup> Mutuhele fela ni li tatulule hande kuli mu utwisisize. Mi mwendi lu fumana Mikaya hali, “Maabani busihu mwa pono, muñaka, Na bona Mulimu ainzi fa Lubona. Mi Na bona mpi ya Lihalimu kaufela ikopanezi ku Yena, uh-huh, mi nebana ni mukopano mwa Lihalimu. Se bali, ‘Ki mañi yo luka luma kuli ayopuma Akabe? Kakuli mwataswa Lubona fa kuna ni mupolofita, ili mupolofita wa niti, wa libizo la Elia. Mi upolofitle Linzwi la Ka mi abulela ali “Akabe ya situhu yani, kakuli na bulaile Nabote, linja li ka kapa mali a muuna ya situhu yani,” mi luna ni kubona kuli Zeo za ezahala kakuli ze Li bulezwi kale, Kikuli KISONA SA BULELA MULENA! Lina ni kuto talelezwa, lina ni kuba teni. Mi lu ka lieza cwani?”

<sup>201</sup> “Mi kuzwa mwa libaka ze mwatasi za baba latehile, mwatasi mwani mwa butungi kwa nanuha moya, mi wali, ‘Na ni mupumi. Haiba Ni kona ku Ku ezeza sebelezo, Ni ka shetumuka ni kene ku mupolofita wa hae.’” Kakuli neba ongaongilwe hahulu, ba ka utwisia fela nto iliñwi, mi ao ki maikuto alikani. “‘Mi Ni ka eza kuli bapolofite buhata. Mi Ni ka konisa Akabe kuli aba utwe baika bani kufita kuteeleza ku mupolofita wa Hao wa niti; kakuli uka tatuba lika kaufela za bulela ka Linzwi la Hao, uka tatuba lipono za *hae* ka Linzwi, uka tatuba lika kaufela ka Linzwi, mi ha li sa zamaeleti ni Linzwi haana ku li teeleteza. Kono haiba ki... Ni kona fela kupuma babañwi bani, mi Nika... baka... Akabe una ni sepo hahulu mwa sikhata tuna sani hamoho sa pabalelo yabona, kipeto ba ka kopana hamoho ni kutaha hamoho. Mi Ni ka eza kuli Akabe aba utwe, akuzamaye kambama. Mi kona mo lu ka ezeza ona cwalo.’”

<sup>202</sup> “Mulimu ali, ‘Wakona kueza, wena u mupumi ya kwanile kuli; shetumuka uzamaye.’”

<sup>203</sup> Mi cwale Zedekia a mubakula fa mulomo, ali, “No li kai wena...?”

<sup>204</sup> Mi ali, “Uka iponela ha ukaba mwa muzuzu wa mwahali a tolongo.” Uh-huh.

<sup>205</sup> Ki hali, “Kambama!” kwabulela Zedekia ku mulena. Ali, “Kambama mi u yo kuta ka kozo!”

<sup>206</sup> Akabe ali, “Amunge mutangana yoo mu mubeye mwa tolongo. Mu mubeye mwa litamo, mu mufepé buhobe bwa manyando ni mezi a manyando. Mi ha Ni ta yo kuta inge ni komile kwani, ka mo ba ni bulelezi bapolofita baka kuli ‘ancafazo ye ki ya niti ina ni kuezahala,’ ali, “Ni ka to mu lukisa mucaha yoo!”

<sup>207</sup> Muteeleze kwa manzwi a mafelelezo a Mikaya: “Haiba u ka yo kuta luli, kipeto Mulimu ha si ka bulela nina.” Amen.

<sup>208</sup> Mwabona, Mulimu una ni nzila ya Hae mwa kuezeza lika. Baana ba neba hupula kuli neba ezeza Mulimu sebelezo. Mu tokomele! Haki maikuto, haki kutwisiso ya nama, haki minahano, kono ilukela kuba kuli “KISONA SA BULELA MULENA,” zeo cwale lina ni kukumbahala. Ku lukile, hakuna taba . . . Lu fumana lika ze kuba cwalo.

<sup>209</sup> Mulemuhe cwale fani Davida ha bulela manzwi amatuna ao, mi kwa bonahala inge kuli neli taba yende, taba yende ha iezwa. Mi lufumana kuli (Kikuli Na mi katalisa nji? Kana Ni liyehile kuba ni yeñwi?) neba bulezi zibiso yetuna ye, na si ka buza mupolofita.

<sup>210</sup> Cwale, mañi ni mañi wa ziba Amosi 3:7 ibulezi kuli Mulimu usepisize kuli Haana kueza sika konji pili Asi patululele mupolofita wa Hae. Mwahala masika a likeleke lubile ni baongaongi; kono lusepisizwe ka Malaki 4 kuli ku ka taha mupolofita mwa naha mwa mazazi a maungulo (kakuli lina ni ku taleleza buino bwani, mwabona) mafelelezo asika taha kale.

<sup>211</sup> Jesu asika taha kale sapili, Elia ataha, Elia wa Malaki 3. Mateu 11 ibulela cwalo, “Haiba mwakona ku i utwisia, yo ki yena yana bulewa, ‘Amubone, Ni mi lumela numwana Waka—Waka fapila Ka.’” Cwale, U polofitile, baluti ba za bulapeli kaufela balumela cwalo: kuli mwa lizazila maungulo, Moya wa Elia una ni kutaha, hape. Utahile ka linako zeketalizoho, Mulimu uitusisa Moya wani: Elisha, Elia, Joani Mukolobezi, ni keleke ya Bamacaba, mi ni kwa Majuda mwa Sinulo kauhanyo ya 11. Zeo ki, s-i-s-h-e-m-o sa Mulimu, t-u-m-e-l-o, J-e-s-u, Jesu, ki—ki litaku ze ketalizoho. [Mwa Sikuwa: sisshemo, tumelo ni Jesu kaufela ki litaku ze 5—Mu.] Halikoni kuyemela fa foo, lina ni kuya fa buketalizoho. Mwabona? Mulemuhe!

<sup>212</sup> Cwale, Na sepisize ona cwalo, kona kuli zeo libeya fela Bibele kaswanelo mane kufita mwa lizazi lee, ni Sodoma ni Gomora. Mi Elia na si . . . Yani nesi Elia; Wani neli Moya wa Mulimu ku Elia; Elia nali fela mutu. Cwale, lubile ni bo Elia, ni liapalo za Elia, ni likubo za Elia, ni lika kaufela za Elia. Kono Elia wa lizazi le ki Mulena Jesu Kreste. U swanelo kutaha kuya ka Mateu kauhanyo ya sebentini—. . . Luka 17:30, kiyona, Mwana mutu una ni ku patulula ili Yena mwahala sicaba sa Hae. Isiñi mutu, Mulimu! Kono lika taha ka mupolofita. Cwale, Asikaba fateni ni bapolofita babatuna bababeli ka nako yeswana, kwali kuba, mwa lifasi. Mwabona? Hakuna taba kamba kuna ni baba kai . . . litoho—litoho zepeli halikoni. . . Ku lukela kuba toho iliñwi. Mulimu una ni kuba ni muuna alimuñwi abeiwe mwatsa zamaiso ya Hae. Mwabona? Kuna ni Mulimu alimuñwi; nekuna ni Ndate, Mwana, ni Moya o Kenile, kono Mulimu alimuñwi fahalimwa zona kamukana, mulemuhe, mi na itusisa fela liofisi zeo. Kona Mwa ezelize ni ka za Elia, Moya wa Elia; Na itusisize Moya wani, kono inzeli Mulimu yaswana yana Li zamaisa nako kaufela kutaleleza Linzwi la Hae.

<sup>213</sup> Cwale, mulemuhe mwa taba mo cwale, Davida na hupula kuli na kondisize lika kaufela. Mi na susumelizwe. Mutualime Moya o Kenile mokona kutozeza mutu? Kono lina ni kua mwa sikuka sa tozo. Moya wa kwnde wakona kutoziwa ka Moya o Kenile, ni moyo omunsu bwii inge sileze. Toze imela ka mezi aswana ali kuyona . . . ibeya bupilo mwa buloto, ibeya bupilo bwa toze; kono kwatasi a toze, kuna ni bupilo bwa toze yeo. Bwa nyakalala, ni kutubula lipalisa, mi ina ni bupilo, ni kueza kaufela ze bu eza buloto, kono *moyo* wateni ki *toze*. Mwabona? Baluti babuhata bakona kutaha, inge baluta mifuta kaufela ya bulalu bwa bumulimu ni lika zeñwi kaufela, ni kutozwa ka Moya o Kenile, ni kueza limakazo zeñata fela mane inge Evangelii yaniti mo iezeza. Kono ka Linzwi fa, kona le li eza lika. Mwabona se Ni talusa? Cwale, ki hande kuluta litaba zee, Na sepa, Ni—Ni inzi mwa tabernakele yekopani ka likopano zamifuta kakusasana cwana, mwa—mwa hotela mo.

<sup>214</sup> Mulemuhe, mutokomele se lubulela. Cwale, kihande, muteeleze. Davida nana ni maikuto kaufela ao ancafazo ya niti neinani. Mulemuhe! Nea huwa, nea kalumuka, neba bina, ba fumana nto yetuna luli mwa tozo yani. Kaniti neli cwalo! Kaufela zona inge ancafazo ya niti, kono, mu lemuhe, Mulimu na siyo ku zona. Mulimu na si yo ku zona. Nana ni mupolofita yanali teni mwa naha yani. Neba lukela kuziba. Mwabona? Davida na lukela kuziba cwalo.

<sup>215</sup> Ki nto yeñwi kacenu, luna ni libelekiso kaufela, inge likopano zetuna, likundi za nako ya luna, kono linepo za fumaneha inge mo ne libezi fela nako yani; linepo za luna za likundi tuna za luna, ni mulelo tuna wa luna, miyaho tuna ya luna, ni za luna zetuna . . . kuyaha likitikiti, ni kuekeza ma membala ni lika zeñwi, lifetuha kuba lika zeswana, kaufela liba fela bupalelwii. Ha ni buleli cwalo kuli nibe ya shutana, Ni bulela cwalo kuli ni sepahale fapila Mulimu, Yoo Buka ya hae Ni yemi pila yona kakusasa cwana. Mwabona? Kaufela lifetuha kuba bupalelwii, linepo zeswana.

<sup>216</sup> Cwale ha luboneñi se si ezahalile fani Mulimu (mwa nako ya Hae ni mwaha) mi bapolofita ba Hae ha ba kutekiwi, kuitinga fela fa butali bwa zibo ya za bulapeli, baprisita, buino bwa likopano sina zeluna ni kacenu. Cwale, katokomelo. Kaufela zona za lyangana. Haiba wa Mulimu wa niti uteni mwani, Uka li talimisa kwa Linzwi; isiñi fela sibaka silisiñwi mwa Linzwi, Linzwi kaufela kwa lusika kaufela. Mwabona?

<sup>217</sup> Lizazi la Pentekota, Moya no zamaisize lika hanfe kukeka ku Ona, mwa Joel 2:38. Mwabona? Lizazi la Luther, Wa li zamaisa hande kukena ku Ona; Wesley; mwa muzamao wa mafelelezo wa Pentekota woo; kono lo ki lusika lusili, ye ki pizo ya kubizwa kwa Munyaliwa. Ha ki myaha ye likiti zepelli kwa mulaho kwa Pentekota, kamba kukutela, kamba kukutisa. Pentekota . . .

<sup>218</sup> Moya o Kenile noli ku Luther, Moya o Kenile noli ku Wesley; ki Linzwi la Mulimu le li toziwa. Mo Moya o Kenile wa kutela kwa sicaba sa lusika mi ba kalisa kuba ni kukutisezwa kwa limpo. Ba fumana kuli, ka kuipeya ku Mulimu, Moya o Kenile wa bulela ka malimi ku bona. Ba beya mazoho fa bakuli, mi ne ba foliswa. Neba binela mwa Moya. Mwabona? Lwani neli lusika lwa Baongaongi bene bakutiseza keleke mwa sikuka hande. Mi sikuka sa mafelelezo sa keleke neli kubeya limpo mwa keleke; inge Luther mwa na tomezi za kuluka, Wesley atoma za kukeniswa, Pentekota yatoma limpo. Kono ki sikamañi sene ba ezize? Mafosisa aswana, sina taho mo i ezelize ka kuswana ni lutaka lwa buloto, ba ikongakonga, ili ze lwanisana ni Mulimu, kushutana ni Mulimu.

<sup>219</sup> Cwale, lu fumana cwana kuli... Mi cwale mataka aa hakopana hamoho, atisa mileloya ona. Mi hakuna taba... Hakuta “taba,” ka mo ba libizeza, halizwelela mwa Assemblies of God, kisikamañi sene baezize? Bapalelwa ku Li amuhela. Hakuna taba kamba neli Niti yecwani, kolobezo ka Libizo la Jesu Kreste, nebali kale ba Katengo Kakatuna. Mutu na sa liyolile kale, Moya no so basiile kale. Kiniti! Mi cwale kwataha zeo... Ni ambozi kwa baeteleli ba mina babande babañwi; ba li, “Kihande, luka eza sikamañi cwale?” Neba ka iswabisila ili bona. Kanti, ba ziba kuli ku Niti; habasaezi cwalo, ki libofu za moyo mi ki litimbi za Bibebe. Ha ni buleli zeo ka lishwau, cwale, ni bulela zeo ka likute. Kakuli, hakuna sibaka mwa Bibebe kokuna ni yakile akolobezwa ka malumbatina ani, “Ndate, Mwana, ni Moya o Kenile.” Mane ne li si ka itusiswa konji kasamulaho wa katengo kaba ecumenical, kona kaba keleke ya Roman Catholic. Katekisema kabona luli kapaka nte yeswana. Ki tuto ya tumelo ya Katolika! Isiñi tuto ya Bibebe, kono ki tuto ya tumelo ya Katolika. Ni mina ba Methodist mwatisa tutekisema twa mina ni lika kaufela inge mo ba ezelize, bataha inge bazwa mwateni hanyinyani hanyinyani. Kono cwale hamufita fa Pentekota, nikubonisa zeñwi za lituto zeo, nemusa kumalezi kuzona.

<sup>220</sup> Kono cwale seli kubizwa kwa Munyaliwa, fa cwale kona fa kwaluhezi Maswayo Asupa, cwale litaba zekwanile hande zene basiile lina ni ku kwalulwa; mi ki Malaki 4 fela yakona kueza cwalo, kakuli yena unga sinulo yezwelela hande ku Mulimu kutaha ku mutu kuli aeze cwalo. Yeo ki niti! Haikoni kutaha kwa sikwata, kwali kuba kube cwalo. Muuna alimuñwi! Kona za na sepisize Mulimu mwa miluti ya kutaha kwa Munyaliwa wa Hae, kuba Eliezare. Mwabona?

<sup>221</sup> Mulemuhe kuli baprisita, bakutazi, ni babañwi cwalo, haba ikungela susumezo yabona fela, ni kutoziwa luli. Davida na tozizwe. Bibebe ibulezi ona cwalo. Kono, mwa bona, aya ka nzila yefosahalile, naile ka nzila yesi yona. Aisa tozo ya hae kwa neku lelifosahalile, kwa sicaba ni zene ba hupula, kwa bazamaisi ba likwata, zene ba hupuzi, mwa sibaka sa kufumana nzila ya

Mulimu yekenile ka zakuli **KISONA SA BULELA MULENA**, “Kana ye kona nako ya litaba ze nji? Kana wo kona mwaha wateni naa? Kana ye ki tato ya Mulimu nji?”

<sup>222</sup> Mi haiba ki mupolofita wa niti wa Mulimu, ukaya fapila Mulimu pili, ali, “Ndate, ki sikamañi se?” Sina Natanaele mwa na ezelize ku Davida.

Davida ali, “Kana ki swanelo kuli ni pile mwa ndu ya kedare, kanti ndu ya Mulimu waka inge ili mwa litende fela?”

<sup>223</sup> Mi mutualime ku Natanaele, ali, “Davida, eza kamukana so lelile mwa pilu ya hao, kakuli Mulimu una ni wena. U sibyana se si tozizwe sa Mulimu.”

<sup>224</sup> Kono yena kakuba mupolofita, ni mafosisa a hae, mi Mulimu utamehile ku mupolofita wa Hae. Busihu bwani Abonahala ku yena, mi ali, “Zamaya ubulelele mutanga Ka Davida, Na lata kutiya pilu kwa hae, Na mu lata ka se, kakuli ki muuna ya latiwa fa pilu Yaka Tota, mi Ni ziba kuli seli nako yakuli areka ya Ka ibe cwalo, ibeiwe mwatasi a sesiñwi, kono Na fela . . . Ha ki nako yakuli liezahale. Ni ka lumeleza mwana hae kueza cwalo, kono Hanina ku mu tuheleta kueza cwalo.”

<sup>225</sup> Mi fa kwataha Natanaele ni za kuli, “**KISONA SA BULELA MULENA**, Davida, sinulo yetuna yobile ni yona ifosahalile kuswana fela ni ha utisa areka kwanu.” (Uh-huh! Uh-huh! Mwabona?) “Usike wa eza cwalo. Usike wa lika mane! Kono Mulimu ubulezi kuli Uka nga ‘mwana hao kuli aeze zeo.’” Kifoo! Mwabona? Ki fohe cwale!

<sup>226</sup> Davida na tozizwe kuli abulele cwalo kakuli sapili na bonisizwe kale, inge Abrahamma mwa na batabatezi Munzi fa lifasi. Mwa ziba, na sweli ku ubata kakuli na ka pila kuona zazi leliñwi, Abrahamma umwateni, mwa Munzi mwani. Mi akala kuzamaya kafa ni kafa inza ubata. Mi ona sikaba sesiswana fana talimile, ne uli fela fahalimwa hae ka nako yani, mi uka kuta mwa Mileniamu mi yena uka pila mwa Munzi wani. Kono ka kuba mupolofita, na tomilwe cwalo mi na susumelizwe, aziba kuli nekuna ni Munzi kokuñwi, mi nasweli ku ubata. Kono, mwa bona, sinulo yateni kaufela ne ipatilwe ku yena. Ne si ya lusika lwa hae. [Hakuna manzwi fa tepu—Mu.] . . . kushetumuka cwalo ku Joani, kwa na uboni hauzwa ku Mulimu mwa Lihalimu. Wani ki ona Munzi tenyene.

<sup>227</sup> Mwabona, lika kaufela lina ni kuba mwa mwaha wateni. Mu calanga buloto bwa mina mwa mbumbi . . . kamba mwa litabula ni ku kutula mwa maliha atatama. Mwabona? Buna ni kutaha ka lutaka, ni kutaha mwa sibunga, ni sikapi, mi ni kupunya kwa . . . Lina ni kuba mwa mwaha wateni. Pupo kaufela izamaya ka zwelopili. Moya wa Mulimu uezize pupo, mi Mulimu kaufela ni pupo li mwa zwelopili. Lika kamukana ze beilwe mwa tempele neli mufuta wa za na boni mwa Lihalimu.

<sup>228</sup> Hamubona kota yeikataza kulika kupila, fo kutalusa kuli kuna ni kota ye sa katazehi kupila. Hamubona muuna yaikataza kupila, kubonisa kuli kuna ni tabernakele yelibeleta kokuñwi ye sa shwi. "Haiba tabernakele ya lifasi ye isinyeha luna ni yeñwi ye libelezi." Ndate yomunde wa Lihalimu na ni lumelelize kuzamaya kwa mulaho wa lisila lani zazi leliñwi ni kulibona. Ki ba bakai baba utwile fateni...?... Mwabona? Katalima kwabuse bwa lisila la nako. Kwani ne kuswana fela inge mo Ni kutaleza ku mina kaufela, kwani inge ba yemi. Mioya yeli mwatasa aletare, yelila, "Kukanga nako yekuma kai?" Ha ki litangu fela, mutu yanabile ni butali: "Kukanga nako yekuma kai, Mulena?" Mwabona? Hanze lu ikutwa cwalo cwale, sina lusika lwaluna, sina Muzwale Bill Dauch yainzi fa yana ni myaha ye nainte-sili ya kupepwa. Kuna ni se si nyolelwa bucaha bwani hape. Kuna ni sesiñwi... Wakona kuitoboha sika kaufela. Mo Ni latela kuezeza cwalo. Muzwale Jack, ni zende zaluna kaufela. Kuta kwa mulaho, Muzwale Gerholtzer, fahali fa, kukutela kwa bwanana bwani. Kiñi ze lubatela kuezeza cwalo? Kuba banana ni kumatamata hape? Batili, sha! Kakuli luikutwa kuli lukaba ni nako yeñata ya lolisa Mulimu ye lulata.

<sup>229</sup> Mi mizwale yaka yelatwa, Nina ni Liñusa le kakusasana cwana, kuna ni Naha kwabuse bwa nuka yeba biza kuli ki yende kamita. Teñi lu ka yo Mu lolisa hala myaha, ni myaha kamukana, mane Kuyakuile. Kiñi ha lu ikutwa cwalo? Kakuli buliba bu bizana ni Buliba. Mi haibile fela kuna ni buliba bobubiza, ku swanela kuba Buliba bo bu ka alaba kwa pizo yeo kusi cwalo nekusike kwaba pizo nihanyinyani. Kusikaba kale ni pupo, kuna ni kuba Mubupi pili yana ni kubupa pupo yeo, kusi cwalo hakuna... Zeo libonisa hande bupaki bwatenei.

<sup>230</sup> Mulemuhe baprisita ba, kaufela bona neba siyo mwa mundandwe. Mulemuhe tozo, ne i lukile, hakuna ze fosahalile kwa tozo. Kinto yeswana ni mina Mapentekota, kono mutokomele nzila ye muzamaya kayona cwale. Lizazi li cincize kuzwelela kwa Pentekota, kuna ni ze ezahala. Kambe nekusina mupolofita mwa naха, mwendi Davida na lukile. Yeo ki niti. Kono nekuna ni Natani, ya pakilwe, ya ketilwe, ya pakilwe ki Mulimu kuba mupolofita.

<sup>231</sup> Mutokomele! Areka mwa Bibele kamita ki mufuta wa Linzwi ku luna, kakuli neli Linzwi la Mulimu mwa areka. Mi neli... Mulemuhe areka yene batisize, mutualime mo ne ba i ezelize. Ne i si ka beiwa mwa sibaka sa yona sa lukisize Mulimu sa makalelo. Cwale, Mulimu nabulezi kwa mulaho kwani mwa Mulao kuli lina ni kuba... mo lina ni kuezahalela, areka ye mo ilukela ku zamaisezwa, ni ya lukela ku ilwala. Kono Davida, mwatasa tozo ya hae...

<sup>232</sup> Muzwale waka, usike wa mbwinja se. Mi kezela ka, wena ya bata kuba mukutazi wa musali ni zeñwi cwalo, usike wa mbwinja se. Hakuna taba kamba uya tozizwe cwani, una ni

kukena mwa sibaka sa lukisize Mulimu. Tozo ya Davida ne i lukile kono mwa kuezeza lika afiteleza mane ahatela kwabuse bwa mululwani. Kisikamañi sa na ezize? A hatela kwabuse bwa mululwani. Kufita kuli abeye area mwa sibaka sa yona sa makalelo, a i lwalela mwa kocikala yenca mi isiñi fa lipilu za Malivi. Ne i lukela kulwaliwa fa maheta a Malivi, ili fahalimwa pilu. Linzwi haliyo mwa munahano, Li mwa pilu! “Isiñi mwa kocikala yenca.” Neli sikamañi sani? Babañwi... Neli yemela nto yenca, David yana ezize kwani, neli yemela kopano kaufela yene kabateni. Linzwi la Mulimu ha li lukeli ku... lwalika ka baokameli ba bulapeli ba naha kamba mabishopu, ni babañwi cwalo, ba likopano. Ki kolobezo ya Moya o Kenile mwa pilu ya mutu, mi isiñi mwa muzamao fela wa za bulapeli. Moya o Kenile kona sibyana sa butokwa sa lilato la Mulimu mwa lipilu za baana ni basali kuli bautwe. Mwabona?

<sup>233</sup> Neli fa maheta a bakutazi ba Hae, bakutazi ba Hae bona Malivi. Ku libeya fahalimwa liheta la nzohoto sina cwalo, kakuli neli fahalimwa lipilu za bona. Nebana ni mutiyo wa Linzwi mwa lipilu za bona. Amen! Cwale una ni mutiyo wa kopano ya henu fa pilu ya hao, mutiyo wa puteho ya henu: kamba uka yaha *se* kamba *sani*, kamba kueza nto isili fela. Mutiyo wa kuli ki ba bakai bo kaba ni bona kwa kopano ya henu; mwa sibaka sa kuba ni mutiyo wa Linzwi la Mulena, kuli sicaba seo si ka bona fela Linzwi la Mulimu mi isi taba isile fela. Kono mu Li beile mwa kocikala yenca cwale. Mwabona? Ba Li lwezi mane kukena ni mwa katengo ka ecumenical, fa maheta ateni. Hanibati kuba ya buhali, mi cwale Mulimu ani tuse cwale. Ni mi bulelela fela Niti.

<sup>234</sup> Cwale, ku susuezwa kwa litito za litumelo ni tutengo twa ecumenical, Linzwi, lona Linzwi la niti la mwaha wateni la haniwa, kakuli nebana ni maikuto amañata. Kono Davida, mulena ya tozizwe... Na li mulena, kono na tozizwe kuba *mulena*. Mu li, “Ni mukutazi, mi tozizwe.” Kipeto upile uli mukutazi, usike walika kuba mupolofita. Mwabona? Haiba u mubuleli, ina ona cwalo uli mubuleli.

<sup>235</sup> Muhupule Uzia, mwa mazazi a Isaya, mulena wa mwanana... mupolofita wa mwanana. Uzia neli muuna yakutekeha, muuna ya tozizwe, Mulimu amu fuyola; ai fuyola. Eehe, Ne ni kutilize ka zona kumina nako yeñwi. Mi zazi leliñwi akenelwa ki moya wa ku inuneka kufitela anahana kuli naka ikungela fela ofisi ya muprisita, mi anga mulilo ni kuya fapila Mulena. Mi ni... Baprisita bani ba mubulelela kuli, “Usike wa eza cwalo, Uzia!” Kono aba ya ipahamisa. Mupolofita hakuna sa na mubulezezi. Baprisita neba ziba mulao wa bona, neba buluka mulao wa bona, ki hali, “Wo ha ki mulao wa musebezi wa hao, Uzia. Usike wa eza cwalo!”

<sup>236</sup> Kihande, aba “Kuzisia!” Mi aya ni—ni mulilo, mwahali ku yo fa sitabelo, kunga musebezi wa muprisita; na tozizwe kuba mulena, isiñi muprisita. Mi baprisita bani nebalika ku mu

bulelela kuli, "Wena u mulena yomunde, u tozizwe, Mulimu u lu fuyozi ka wena. Kono wena u mulena, isiñi muprisita."

<sup>237</sup> Mi mina balisana ha mu swaneli kubulelela mupolofita sa lukela kueza, kamba mina babuleli kubulelela mulisana. Mwabona, mañi ni mañi una ni ofisi ya hae haiba ya zibahala hane ka swanelo.

<sup>238</sup> Kacwalo akena mwahali ni mulilo, mi anatiwa ka mbingwa mi ashwa.

<sup>239</sup> Cwale kiyo fa Davida, mulena. Davida ulika kueza nto yeswana fa. Ü i kungela zona waipeya zona fahalimu. "Kihande, zeo ki zende, una ni kuya." Atalima fa sicaba, "u bulela sikamañi, kapitao? Una ni babaeza likiti zemashumi."

<sup>240</sup> "Kanya ku Mulimui, Davida, Ni ikutwa Moya." Oh, aeza cwalo! Na U utwile. "Ki sikamañi so nahana, Davida? Kana wa U utwa nji?"

<sup>241</sup> "Kanya ku Mulimu, kaufela zona Li fahalimwa ka! Ha lu li batisiseñi mi lubone haiba li lukile, halu boneñi. Areka ki ya kakai?"

<sup>242</sup> "Ki yeluna! Ki yelukela kuba mwahala luna."

<sup>243</sup> "Ki mañi yeluna ni kubuza? Luli, neli areka." kuswana fela inge sibaka sani mone si lukela kubela sa—sa Isilaele kufita kuba sa Mafilisita. Yeo ki niti, ki ba siemba sateni. "Mi sina ha Ni utwa tozo, yeo nina."

<sup>244</sup> Bazamaisi ba litopa ze mianda, kopano kaufela, "Kanya ku Mulimu!" Ba kambela, mi ba huweleza, ni kubina, mane ba tulaka.

<sup>245</sup> Nebana ni Moya, kono munahana kuli Ndate na nahana sikamañi? "Mo Ni lumezi Natani, mupolofita yani kafani! Ba ziba sa kueza, mi ni Davida u ziba cwalo, kono cwale u lyangani maswe bakeñisa tabo mane sa hatela kwabuse bwa mululwani wa hae ni kueza taba *yee*."

<sup>246</sup> Ku lukile, mulemuhe, "mu ilwalele fa maheta" kona onoli mulelo wapili wa Mulimnu. Kuna ni *zeswanela* liketalizoho. Ni bata kuli muñole litaba zeo, haiba mwa...Na bona musweli mwa ñola.

Mi seli mizuzu ye mashumi amabeli, mizuzu ye mashumi amabeli ni yeñwi cwalo kasamulaho wa teni, konakuli Ni ka lika kufeza ka ilebene, haiba ku konahala. Ni ka akufa mo Ni konela kaufela.

Hakuna taba kamba mutu u sepahala cwani mwa kuezeza Mulimu sebelezo, hakuna taba kamba usepahala cwani, ki ya tozizwe cwani, kamba Presbyterian imupaka cwani, Baptist, Pentekota; hakuna taba kamba u bishopu, dikoni, kaufela so li sona, mulisana, mubulelli, mupolofita, sibe sikamañi kaufela; kuna ni *zeswanela* ze ketalizoho zelukela kutalimwa pili.

Hakuna taba kamba tozo kiyenata cwani, ibonahale bunde imane, sicaba mo si huwela, lika kaufela ze ezwa ki Moya, kuna ni kuba *zeswanela*.

<sup>247</sup> Cwale, mizwale bahesu, hamunze mulukisa pampili zamina, shangwe mu lemuhe libaka cwale? Cwale muhupule, kaufela mina mu nahanile, mi mu lutilwe mwahala mina, isiñi... (mwabona, Ni bulela kupunya ni kwabuse bwa linaha)... kuli Ne ni sa lumeli mwa kubulela ka malimi. Na lumela mwa kubulela ka malimi, kono wakona kubulela ka malimi kanti ni Moya o Kenile hauna ona. Makorinte Bapili 13, ili, "Ni ha ni ka bulela ka lipuo za batu ni mangelo, Ha ni sesiñwi niteñi." Mwabona? Yeo kona tozo ya Moya o Kenile, yeo haina sa kueza ni moyo oli mwahali kuwena. Wakona kubulela ka malimi mbo ulatula Linzwi. Ni liboni ha liezahala, ni mina muliboni ha li ezahala. Mwabona? Musali wakona ku kutaza Evangelii mi... Mwabona? Bakona kueza lika kaufela... Ba kuta milli yabona, mi ba sa huwa ni kubulela ka malimi ni lika zeñwi kaufela. Uh-huh, yeo luli ki niti. Muna ni kuyema hande ka Niti ya Linzwi.

<sup>248</sup> Mulemuhe! Hakuna taba kamba mutu ukaba ya sephahaha cwani, kamba uitusiswa cwani ka mata ki Mulimu, hakuna taba kamba ki ya cwani, uswanela kuba cwana: uswanela kubona kuli... Litaba za bulela liswanela ku zamaelela hande ni nako ya Bibele. Yomuñwi hali, "Kihande, Mushe kwa mulaho kwani." Na ziba za na ezize Mushe, kono zeo hakizona za sweli kueza Mulimu kacenu. "Kihande, kwa mulaho kwani, myaha ye mashumi amalalu kwa mulaho, Luther naize..." Zeo zakona kuba zende, kono zeo hakizona Zasweli kueza kacenu. "Kihande, myaha ye mashumi amane kwa mulaho, Pentekota ya suluha." Kono zeo hakizona Zasweli kueza kacenu. Mwaona? Lina ni ku zamaelela ka nako yateni.

<sup>249</sup> Lina ni kuba ka Mañolo. Lina ni kuba ka mwaha wateni, sabubeli seo. Sabulalu, mi lina ni kuba ka nzila yeo Linzwi la Mulimu libulezi kuli libe ka yona.

<sup>250</sup> Mi muli, "Kanya ku Mulimu! Moya o Kenile u ni wezi, haleluya, inge fela mo No ezelize ka Lizazi la Pentekota." Kono zeo zakona kushutana kacenu. za wela ku Davida, hape, nji cwani? Luli, Neli cwalo. Za wela ku Uzia, kono neli mafosisa! Mwabona, mu swanela kuya mwa butungi kufitelela foo cwale. Mwabona? Mu swalela kuya mwa butungi kufitelela foo. Cwale, musike mwa ikutwa bumaswe, fela—fela mube ka likute.

<sup>251</sup> Mi mulemuhe, mi hape lina ni kutaha kwa keto ya muuna Mulimu. Isiñi kuketa kwa kopano, isiñi kuketa kwa sicaba, kono kuya ka keto ya Mulimu. Mi haiba ki liñusa lelizwa ku Mulimu, la sinulo yetuna yezwa ku Mulimu, lina ni kutaha ku mupolofita wa Hae. Cwale, haiba mubata Liñolo la zeo, ki Amosi 3:7. Mwabona? Cwale, liswanela kuba cwalo.

<sup>252</sup> Kuna ni lika ze ketalizoho ze swanela kubateni: Lina ni kuba ka mwaha wateni. Lina ni kuba ka nako ya bulezi Mulimu kuli liezahale. lina ni kuñolwa mwa Linzwi la Mulimu. Lina ni kuba ka mwaha wa nako ya Mulimu, mwabona. Mi lina ni kuba ka kuketa kwa Mulimu.

<sup>253</sup> Mi Mulimu hatokwi ni yomukana wa luna ku toloka Linzwi la Hae, Mulimu ki mutoloki ili Yena. Hatokwi mikopano yaluna. Hatokwi butali bwa luna, ki bukuba. Mwabona? Eva na ikungezi seo, uh-huh, mi alyanganisa Toloko ka butali bwa hae.

<sup>254</sup> Muli, “Oh, mushimani, mutangana yani ki muuna ya butali.” Kihande, zeo halitalusi sika. Luli. Akabe neli muuna ya butali. Belteshazare neli muuna ya butali. Satani neli ya butali ni bunangu hahulu, yatalifile, hakuna neba alimuñwi wa mina yakona kumu fita, hakuna neba alimuñwi.

<sup>255</sup> Ha ni itingi fa...hakuna...haki butali, ni itingile fela ku Mulimu. Mwabona? Mulimu u cwani? Yena ki Linzwi. Mi cwale Mulimu utoloka cwani Linzwi la Hae Tota? Muteeleze ka tokomelo cwale, musike mwa mbwinja lika zee. Kanti Mulimu utoloka cwani Linzwi la Hae Tota? Ka ku Lieza kuli lipetahale, isiñi fela *lililiñwi* fa, kono *kaufela* lona mwa mwaha wateni.

<sup>256</sup> Ha ki kubulela kuli, “Nuwe zamaya u yo kutaza, u susumelizwe,” kono, “Yaha areka, beya minyako ku yona, iyahe ka nzila *ye*, ni ka nzila *yani*.” Kucwani haiba na ka beya munyako fahalimu kufita ku ubeela mwatasi? Kucwani kambe na beile lihaulofafasi, sikwalo fahalimu? Mwabona? Lina ni ku zamaiswa kuya ka nako, kakuli ona zeo kona za ka itusisa Mulimu ka zona. Lina ni kuba ka nzila ona yeo, mi lina ni kutaha ka susumezo.

<sup>257</sup> Ne ni iutwile mucaha nako yeñwi, yanaize, “Ni lumela kuli muuna yani ulapelela bakuli, Ni lumela kuli kinto yende. Kono ka kuba *mupolofita*,” ali, “Ni lumela kuli ki *mupolofita* wa Mulimu; kono kakuba muluti, kiñi, yena kiwa ba ‘Jesu fela.’” Haki... Ki mutu wa mufuta mañi yokona kubiza cwalo? Mutu wateni na sa zibi za na bulela.

<sup>258</sup> Linzwi luli lakuli *mupolofita* litalusa kuli “ki musinuli wa Linzwi la Mulimu,” toloko yateni itaha fela cwalo. Mi ki kabakaleo kacenu lu mwa butokwi hahulu yena mutu yomutuna yaswanela kulumelwa ku luna yoo mwa mufuta wa *mupolofita* Elia, kakuli ikaba sinulo ya Mulimu ye zibahalilwe ku luna ka kupakiwa, kubonisa kuli ki lizazi ni hola ni mwaha o Mulimu na li sepisize kubateni. Mi, muhupule, uka bulelwa ka bumaswe; kamita ubile cwalo, kamita ukaba cwalo. Uka haniwa, inge fela sikapi mo si ka comohela kwateni... Pili uka amuhelwa, kakuli sikapi si swala fela buloto kufitela habutaha kwa lizazi. Pentekota ika kwahela fela Liñusa, mu Li fe munyako o kwaluhile kufitela Li hasana, mi kipeto sikapi si ka

yebuha kateni, mi buloto bukaina fapila Kubateni kwa Mwana, mwabona, kuli bu buzwe.

<sup>259</sup> Hakuna kuba neba kopano yekana, muhupule fela. Muzwale Jack fa ki muituti wa litaba za kale, buñata bwa mina moo. Hakusikaba kale ancafazo yeina sibaka konji ka myaha yemilalu mwa mulaho wa foo bakala kopano ku yona. Kana ku cwalo? Mi haili muzamao wa makazo tuna ya mafelelezo wa Mulimu wo mwa mazazi amafelelezo, u zamaile myaha ye mashumi amabeli; mi ki limaili ze eza milioni kwahule ni kopano, uzamaela kwahule ka nako kaufela; sikapi sa yebuha kватени, hakuna katengo, hakuna zeliteni ku Zona. Mwabona? Nako kaufela sayehuha kwa Teni. Ha ku konahali kuli libe cwalo, ki buloto cwale. Kono lu inzi ka butala luli. Uh-huh. Yeo ki niti. Ina ni kuina mwa Kubateni kwa Mwana kuli ibuzwe hande ka munati, kona fela mo ku lukela kubela. Limela kizeñata; haluna busepahali, buishuwı, lika zeluna ni kuba ni zona mwahala luna, ka kuziba kuli Moya wa Mulimu, u zamaya mwa Linzwi la Hae ni kulubonisa litaba zateni, mane.

<sup>260</sup> Luna ni balikanyisi ba buhata babatahile. Zeo lina ni kueza sikamañi? Ki kupuma. Bibebe ibulezi kuli baka eza cwalo. "Sina Jambresi ni Janise hane ba Iwanisa Mushe, ki mo baka ezeza ni bona baa mwa mazazi a maungulo." Mwabona? Baeza lika zeswana, bataha mwa muolaho inge ba Li likanyisa, ona cwalo fela. Mwabona? Mu tokomele! Mutualimele tuto ya Bibebe. Mutualimele luñusa ze latelela lisupo zeo! Isali sikolo sa kale sa liñusa? Mulibale zeo!

<sup>261</sup> Mulimu u lumile limakazo ni lisupo kuli liebelise sicaba sa Hae. Mi Jesu hataha to folisa fela bakuli ni lika zeñwi, ni bapolofita ki mo ne baezelize. Ba hupula kuli, "Oh, kanya, Wa taha, U kaba Mufarisi. U kaba Musaduki."

<sup>262</sup> Kono ki Hali, "Mina bana ba linoha ni libili." Ali, "Mu zwa ku ndata mina diabulosi, misebezi ya hae ki ye mukaeza." Ali, "Ha mu sa ci nama ya Mwana mutu, ni kunwa Mali a Hae hakuna Bupilo ku mina." Na si ka Li tatulula. Na sa lukeli ku Li tatulula. Haleluya. Zani neli za mwaha usili. Uh-huh. Na bulezi fela za Na lukela kubulela, "Ni eza fela za ni bulelela Ndate, mi zeo ki kubulula Linzwi la Hae. Haiba Ha ni cwalo, bupilo bwa Ka ni misebezi ya Ka haibapiswi ni Linzwi la Hae Ni swanela kueza cwalo, kipeto musike mwa Ni lumela, Hakina Yena; kono haiba aeza cwalo, kipeto mulumele misebezi ha mu sa Ni lumeli," A bulela.

<sup>263</sup> Mulemuhe cwale *liswanelo* ze swanela kuezahala zeo.

<sup>264</sup> Cwale, mwabona, Mulimu nasika ba patululela taba yateni ka nzila ya Hae ye lukisizwe, Na i patuluzi ka susumezo, kono neli ka nzila yefosahalile. Mwabona, susumezo ika zamaya hande, kono haiba i mwa nzila yefosahalile, ika zamaiswa ka mafosisa. Kuswana sina kunga lilumo ni ku li kunupa hande fo

ku tokwahala, likaya hande kunonga fo li libile, kono kufuka kwa moyo kwakona ku li kasheza kusili. Cwale, mwa mota yamina, muya ka lubilo lwa sikisite, limaili ze sebente ka hola mi kipeto kufuka kwa moyo kwa mi gefefulela kusili, mwakona kubeya mawili hande, ku abeya mwa nzila hape. Kono hamukoni kueza cwalo kwa lilumo; hakuna sika mwateni sesikona kubeya mawili hande, lika mbwinja fo li nongile. Mwabona, lina ni kuzamaya hande mwa mukwa wa zona.

<sup>265</sup> Ona cwalo ni Linzwi la Mulimu kimo li zamaezi mwa nzila ya Lona hande. Hakuna kufefulwa kwa moyo ko ku ka Li gefefulela kwahule; hakuna kopano yelikani niyekana, kamba sika kaufela, yeka Li gefefulela kusili; hakuna manyando nyana aka Li gefefulela kusili: Li supile hande fo libile! Liki nata fateni luli, hape. Mi kipeto Mulimu, ha Li nata fa sibaka seo, Mulimu uka Li paka, “Fahala sikkenda!” Uh-huh, ona cwalo sa Na bulezi ki Sa kaeza. Ki le mo mwa Liñolo, yee, “KISONA SA BUOLELA MULENA, ‘Ku ka ezahala cwalo!’” Ki ye fa. Mwaona? Ki fo he cwale.

<sup>266</sup> Cwale, Mulimu na si ka li patulelala nzila ya Hae yelukisizwe. Kacwalo bazwelapili kuyoeza zesiyo mwa Linzwi la Hae, mi ha ki mwaha wateni fela, kinto yeswana fela sina mo ba bezi cwale. Mi batu, hakuna taba kamba ba sepahala cwani, hane baka lika ku Mu ezeza sebelezo isi ka nzila ya Hae yalukisize, neba lyanganisa lika. Sina Balami, Balami na hupula kuli nasweli kuezeha Mulimu sebelezo.

<sup>267</sup> Kikuli munahaha kuli Mulimu ubulelanga buhata? Kikuli Mulimu wakona kucinca mulelo wa Hae? Kihande, sicaba kacenu sieza inge kuli Wa cincanga. Ha na bulezi kuli basali basike bakuta milili yabona, ba li, “Lwa i kuta, Dr. wa *Kuli-ni-kuli* ubulezi kuli lwakona kuikuta. Muzwale wa *Kuli-ni-kuli* ubulezi kuli wena ngana ya hao kiyenyinyani fela.” Uh-huh, uh-huh. Mwabona?

<sup>268</sup> “Kihande, kana se sakona kuezahala? Se siezahale?”

<sup>269</sup> “Eehe, uh-huh, wa *Kuli-ni-kuli* ubulezi cwalo.”

<sup>270</sup> Mulimu ha cinci muhupulo wa Hae.

<sup>271</sup> Kana mulumela kuli Balami neli mupolofita? Bibele ibulela kuli nali cwalo. Kikuli mulumela kuli nali mupolofita? Cwale, muhupule, Balaki ataha kuyena mi ali, “Zamaya u ni kutete sicaba se, kakuli ba yandulukile lifasi kaufela. Bona mane ha ki kopano, kono ki naha, ki sikkwata fela sesi hasani; mi luna lu baika ba na ha yee. Cwale zamaya u yo ni kutela sicaba sani, mi Ni ka lifa mali.”

<sup>272</sup> Mi Balami aeza ona cwalo sa na mu bulelezi mupolofita, ki hali, “Hanina ku ya. U libelele fela kulo faa, mwahala busihu, pili nibone sa ka bulela Mulimu kuli nieze.”

<sup>273</sup> Kacwalo akena mwateri, ki hali, "Mulena, kuna ni sicaba hamoho nina se si tahile, ubata kuli niye ni yo kuta sicaba sesiñwi." Ali, "Kiñi Zo bata kuli nieze mwa litaba zee?"

<sup>274</sup> Mulimu ali, "Usike wa ya, kakuli ki sicaba sa Ka!"

<sup>275</sup> Balami azwela kwatensi, ali, "Kuta kwa munzi wa hao. Hanikoni kuya ni wena, Mulimu u ni bulelezi kuli nisike naeza zeo." Cwale, leo kona Linzwi la Mulimu la makalelo: "Usike wa ya!"

<sup>276</sup> Kihande, mi bakuta, bali, "Wa ziba, bishopu wa mina ha si ka utwa."

<sup>277</sup> "Kihande," mulena ali, "uka ku bulelela za kueza. Utokwa mali nyana, Ni lumela kuli zeo zakona ku mu susueza. Kamba mwendi Ni ka mueza mutoneli yomutuna wa puteho, mwendi Ni ka mufa nto yeñwi yetuna yakueza. Ni ka suhana na mueza bishopu, hamukon kuziba ze Ni kona kueza. Fa, Ni ka ku bulelela ze Ni ka eza. Mina balikani hamuna tuto yeñata kuli mu mu susueze nihakuli cwalo; *lipuleo* za hao zakuli *yena ni hakuna*, ni *kunuha ni kulwala*, haliyo hande. Nasike a ku teezeza, lu ka luma sikuwata sa baituti babande kulo kwani, baba itutile luli."

<sup>278</sup> Baya kwatensi, bali, "Dokota Balami, *Dokota* Balami, litumeliso ku wena. Ni kutiseza litumeliso zezwa ku mulena."

<sup>279</sup> "Kikakusasana, mizwale." Mwabona?

<sup>280</sup> "Cwale, Dokota Balami..." Mi, oh, mubulelelo, mo ne li suluhela. Mi ali, "Cwale, mulena u bulezi kuli uka ku hulisa, mi hape uka kufa libubo lelituna. Mi, mwa ziba, ba kufile fela masheleni amañata *hahulu* cwalo kuli ueze musebezi woo, kono mulena abulela kuli uka lipanga halalu, kulieza halalu, haiba ukona fela kutaha ni kukondisa." Mi, Balami akala kubaba mwa mazoho, niteñi. Aba ni maikuto abukuba mi alyanganisa ngana ya hae.

<sup>281</sup> Cwale, muhupule, abiza Mulimu ka zona, natozizwe, kono azwisa Mulimu mwa mulelo wateni kapili. Mi ona cwalo fela kona Pentekota ze i ezize! Kuba ya zibahala, mina ba Oneness, mina ba Trinity, bakeñisa kulata kuzibahala mwa ikongakonga kuli mushutane, mwa ikongakonga mi mushwile! Hamuna kuzuha hape. Kono, mwa bona, nemulukela kupila hande ni Mulimu wa mak-... U mi zwisize mwa Assemblies ku mibupa sicaba, kono mwa ikongakonga ni kukutela kwa mataza aswana ko muzwile (muni swalele) ko mu zwile, lika zeswana zemuzwile kuzona, "Sina nja ha i kutela kwa mataza ayona ni kulube kwa sileze sa yona." Muni swalele Ni bulezi cwalo, mu ni swalele, zeo ha li sika luka kulibulela fa katala fa. Mwabona? Ni bulezi fela zeo mwa nama. Mulemuhe cwale ka... zeo kona ze Ni talusa, ku taza. Ne ni lukela kubulela cwalo. Linzwi ne li lukile, kono ba li mbwinja. Mwabona? Ne li itusizwe hande, kono ne li si ka utwahala fela hande, mwa ziba. Kutaza, "Sina nja ha i kutela kwa mataza ayona."

<sup>282</sup> Haiba ba Assemblies of God, ba Katengo Kakatuna, mwa ongaonga Pentekota mwa sibaka sapili ni kuba kenya kuzona kuli basike ba amuhela sinulo, kikuli hamu zibi mina, ba Oneness, kuli muezize zeswana? Mukona kuamuhela cwani Liñusa la “peu ya noha, silelezo ya Kuyakuile,” ni lika zeñwi zetahile mwateni zee? Mu ongaongilwe hahulu kuli mane mwa palelwa ku Li kenya mwa munyako wamina, uh-huh, uh-huh, nto yeswana yana ezize Balami. Kono Mulimu na si ka fetula mulelo wa hae.

<sup>283</sup> Kacwalo Balami azwelapili mi ali, “Mulena, cwale amutalime, Ni na ni kolo cwale ya kuba mukete wa butokwa. Mu ziba kuli hani sikaba ya kutekeha, kono Nina ni kolo ya kuba mukete wabutokwa. U bulela sikamañi ka zona cwale, Mulena?” Cwale, alukeli kubulela cwalo! Na ziba handende sa na bulezi Mulimu kuli aeze!

<sup>284</sup> Ki mo muezeza kaufela mina baba kolobelizwe ka libizo la “Ndate, Mwana, Moya o Kenile,” fa litaba zeñwi ze za Bibele zelukela mwa lizazi le, wa ziba za kueza ka Zona, ki ku Li amuhela! Ha ubona Mulimu patalaza ha paka sika kuli “Ki Niti,” yoo ki Mulimu yatoloka Linzwi la Hae Tota. Kono kikuli muka eza cwalo? Batili, kopano yahenu haina ku kulumeleza kueza cwalo!

<sup>285</sup> Buñata bwa bakutazi kwani mwa Tucson babasweli ku luteeleza kakusasana cwana. Muzwale Gilmore, Hanina se ni nyaza ku wena; Muzwale Brock, First Assembly, ni keleke ya Friendly. Mina baana, Nenili teni koo nako yeo kaufela, mane ne mu si ka ni lumeleza. Na...Luli, nemupalezi kueza cwalo, hamukoni ni kusiyala seo muli sona. Hamukoni kuamuhela sinulo, kakuli mu ikongakongile. Mi muteeleze, inge fela Uza mwa na bulaezwi kakuli nali mwataswa susumezo yabuhata yeo, ni Bakreste babañata baniti ba cwalo balatehisa kutwisiso yabona mwa likopano zani ze shwile, kakuli babeya lizoho la bona fa Areka kanto ha ba si ka supiwa kueza cwalo. Cwale mwakona ku Li lumela, kamba ku sa Li lumela, foo kuitingile ku mina. Mulimu ki yena Muatuli. Mulimu ali kuba akutise Linzwi la Hae. Sa Na bulezi ka nako yapili, Uina ona cwalo ka nako kaufela.

<sup>286</sup> A bulelela Balami kuli, “Usike wa ya!”

<sup>287</sup> Mi cwale Balami hayo kuta, ali, “Kono Mulena, fa Ni ye kamba cwani?”

<sup>288</sup> Cwale amutalime! Mulimu ali, “Zwelapili zamaya!” Cwale, Amufa tukulaho ya kuya. Kuna ni tato ya kapelezo yezwa ku Mulimu, mi isi tato makalelo ya Mulimu. Mwabona butata bwa nakeni kubona?

<sup>289</sup> Mi mutu kaufela ya yaha sika kaufela, kopano ifi kaufela, kamba sika kaufela kwande a Linzwi la Mulimu, ki lishabati leli zikinyeha mi lika tiba! Si ka shwa ka niti fela inge sika kaufela,

kakuli Linzwi la Mulimu ki Mubili oya uhula wa Munyaliwa. Hamukoni kuba ni Zona kuba lihutu, kaufela libe lizoho, kaufela libe silipi. Liki ze litaha mwa mwaha wateni.

<sup>290</sup> Mi Pentekota, muliezize kaufela kuba nto iliñwi, kona ha mu sakoni kuamuhela sinulo yenca. Leo kona libaka ha muinelela fo muinzi ni kushwa. Za zwelapili cwalo. (Sihulu; hani lati kumi katalisa.) Kono Mulimu ha cinci mulelo wa Hae, keto ya Hae ya makalelo kona yelukile. Kacwalo Mulimu ha cinci mulelo wa Hae, U ka kulumeleza fela kuya ka tato ya hao ya kuhapeleza. “Mulimu yo ki Mulimu yomunde,” sina Oral Roberts habulelanga. Hape ki Mulimu yasabisa!

<sup>291</sup> Mutualime, inge fela ha mu ka bulela kuli, “Kanya ku Mulimu, Ni bata kubulela ka malimi!” Uka ku lumeleza kueza cwalo, kono seo hakona sisupo sa Moya o Kenile.

<sup>292</sup> Muhupule Tomasi sa na bulezi, munuhi wa kale? “Kwanda kuli Ni be ni bupaki, ni beye minwana yaka mwa limapo za Hae, mazoho a Hae, ni kwa makupi a Hae, Na—Na—Na—Na mane hanina ku Li lumela.” Cwale, kifo he cwale, kinto yeswana.

<sup>293</sup> Jesu naize, “Ki foo cwale, Tomasi, otolola mazoho a hao kulo fa haiba kona zo ziba.” Mwabona? Mwabona? Cwale, haiba mubata nzila ya Tomasi, amuzwele pili. Kono kisikamañi sa Na bulezi? “Mupuzo wa bona ki omutuna cwani baba si ka bona kono ba lumela.”

<sup>294</sup> Mulemuhe, mulemuhe, ka kueza se, atiseleza lifu la muuna ya sepahala, ka kubeya lizoho la hae fa areka ha na sa lukeli kueza cwalo. Muuna yomutuna ya sepahala, anahana kuli tozo ni lika kaufela neli lukile, kono areka ne izamaya ka nzila ye si yona. “Komu,” Bibele iize, “ya sitatala,” isiñi Malivi. Komu ya sitatala mi kocikala ya shenyeza kwa pata; mi muuna ya sepahala hande, ni pilu ya hae yetezi lilato, abeya lizoho la hae kuli a i beye hande, mi a natwa ka lifu kakuli hakuna mutu yana kona kuswala areka kwanda Mulivi. Mwabona Mulimu mwa bulukela Linzwi la Hae, ubuluka muzamao wa Hae, ubuluka mulao wa Hae? Uzia na natilwe ka mbingwa. Ki yo Davida, kuya fela niti kiyena yana tiselelize lifu la muuna yani, mi neli nyungano yetuna; kuba ya tozizwe ka Moya bubeli bwabona, kono isi ka muzamao wa Mulimu. Kana ki cwalo? A shwa. Oh, za sabisa Davida hahulu, ba biza libizo la—la sibaka, sina Muzwale Jack habalile. Mwabona? A mu beya liswayo fani.

<sup>295</sup> Ki linako zekai likopano ha liezize nto yeswana kwa balumeli baba sepahala. Keleke ya Katolika, Methodist, ya Baptist, church of Christ, neba Mapentekota, ba tisize lifu leliñata ka yona taba yeswana yeo. Ha Li taha, ka litaba zee, ba fumana... mi habakoni kuzwelapili hape, kakuli zeo kona kopano yabona ze ilumela.

<sup>296</sup> Amatalime kacenu, likundi zetuna, kinto yeswana. Hakuna ze baeza kono ba baeza fela kuba “mwana wa lihele linako

zepeli, mwa bumaswe kufita mone babezi ka nako yamakalelo.” Za ba tatafalela, luli, kuli batahe kwa Niti. Bana ni iliñwi yetuna ya liancafazo zee, mi kaufela bona bataha mwateni, bataha ni zona cwalo fa nako nyana, mi bahakuta ba yo kalisa lika zeswana hape. Ha ba utwa ancafazo yeñwi, bali, “Ah, Ni bile ni litaba zeo, Ni li likile. Hakuna zeliteni ku zona.” Mwabona? Ha ba zibi muzamao. Ha ba boni.

<sup>297</sup> Ni utwile mubuleli waluna yomutuna Billy Graham, hana inzi kakusasana omuñwi kwa mukushuko sina cwana, mi ki hali, “Ni...” Fa, a nanula Bibele, mwa Louisville, Kentucky, ali, “Kiwo mutala wa Mulimu.” Mi yeo ki niti, muuna yani na bulela niti. Ki hali, “Mu ye... Paulusi naile mwa muleneñi mi atisa alilmuñwi kwa liseli, ayokuta kwani kasamulaho wa silimo ufumana baba mashumi amalalu kuzwa ku alimuñwi yani.” Ali, “Kono Na haniya mwa muleneñi mi niba ni likiti ze mashuumi amalalu, hanikuta kasamulaho wa likweli ze silezi hanifumani neba baba mashumi amalalu.” Ki hali, “Mwa ziba butata kana?” Ali, “Mina bakutazi baba buzwa,” ali, “muina mwali kukambeka mahutu amina fa tafule ni—ni kubiza sicaba se ka mafoni kufita kuba potela hamufeza kulalela ni kuikambota ni bona.”

<sup>298</sup> Oh, pilu yaka ne i tuka. Na hupula kuli, “Mawe muuna yomutuna wa Mulimu, ha Ni bati ku sa lumelelana ni wena foo, kono ki mañi mukutazi ya buzwa yanali ku alimuñwi ya pilisizwe wa Paulusi? Sa na ezize, na mu kenyize fela mwa Linzwi, amukenya fela mwa Liñusa, amu isa kwa na fumani Mulimu; pilu ya hae neituka mulilo, atumbula naha kaufela mulilo! Kanti wena zo eza fela ki ku babeya mwa Baptist kamba keleke ya Methodist, kamba sika kaufela, ki kabakaleo hakusina ya tuka.” Uh-huh. Eeni, sha!

<sup>299</sup> Mi amatalime se li sepisize Linzwi mwa lizazi lateni. Ha lu batisiseni lubone haiba ki Methodist, Baptist, Pentekota, kamba ifi kaufela, ku za kacenu. Cwale mwakona kubala Mañolo a mina. Munge Mañolo o Ni bile ni mi bulelela. Hape ni Sinulo...

<sup>300</sup> Kambe Ni nani nako, Ne ni ka abala, kono fela Hanima nako. Nina ni mizuzu ye twelufu kamba foutini cwalo. Ni lukela kukwala ka nako, ka ilebene, haiba Ni zwa ka swanelo.

<sup>301</sup> Mulemuhe Malaki 4, Sinulo 10, Maswayo Asupa. Hanili Bibele ibulezi kuli... Cwale amatalime! Nekuna ni Lingeloi, Mulumiwa yazwa kwa Lihalimu, ni mulumiwa wa lifasi. Mi mulumiwa ni mulumiwa neli wa lusika lwa keleke. Ki hali, “Mwa mazazi...” wa bulela cwale, “kwa taha Lingeloi, Mulumiwa” (linzwi lelili *lingeloi*, linzwi la Sikuwa litalusa kuli “mulumiwa”). “...la zwa kwa Lihalimu, mi La hata lihutu talona fa likamba ni mwa liwate, ni kutapanya ka Yapila kuyakuile kuli hakusana kuba nako hape.” Kana ki cwalo? Nambwamutalati upotolohile toho ya Hae, ni lika ze kaufela inge liezahala cwalo. Lingelo lani neli Kreste! Kaniti! Kono ki

sikamañi sa Na bulezi? “Kono mwa mazazi a lingeloi la busebeni, lusika lwa keleke ya busebene.”

<sup>302</sup> Kamita ki kwa mafelelezo a lusika lwa keleke ko ba lyanganehelanga hahulu...ba bulapeli balyanganehangang mukwazo kufitela Mulimu alume mulumiwa, mi kipeto leo liba Liñusa kwa lusika lwa keleke lwateni. Banga liñusa la hae, kakuli na pilanga fela nako yelikani, mi Mulimu...kipeto bangal iñusa la hae kufita ku lifiteleza cwalo mwa mutalelala wa Lona, ba eza ko—ko kopano. Mi kipeto baeza kopano yeñwi; mulumiwa usili, banga sibaka sa mutu ni mutu.

<sup>303</sup> Kaufela mina muboni mwa buka yaka, lika swanisiwa hande mwa *Masika A Likeleke Zesupa*, za Na ni bulelezi; zeo Ni yema ka bupaki ku Mulimu ku yo atulwa ka lizazi la Katulo ka Zona. Li zwile ku Mulimu, ha ki kwa munahano waka. Mulemuhe, fa. Na nahana—Na nahana lika zeshutana kuzwa fani, haiba Ne ni kaba fela ni mihupulo yaka. Inge Muzwale Jack yana ni bulelela za Lingeloi kwani, kuli mane “Kreste nali mwa mubili ofilwe kanya.” Kono ne si cwalo, neli kubonisa kuli Liñusa neli la niti, ki Bulimu Bobupahami, Nali Mulimu. Mwabona? Kona fela taba yeswana yene Ni kutaza fateni mwa Linzwi. Linzwi kamita lipakelana ni Linzwi.

<sup>304</sup> Cwale, kapili cwale, halunze lubata kukwala mwa mizuzu yelikani.

<sup>305</sup> Cwale, A li, “Mwa mazazi a Liñusa la lingeloi la busebene, lingeloi la lifasi, lusika lwa keleke ya busebene, kipeto likunutu ze kaufela ze latehile mwahala masika amañwi a silezi lina ni patululwa ka nako yeo.” Kihande, ona cwalo kona zana bulezi Mangeloi ani. Ki a fa Maswayo Asupa, kamba kukwaluha kwa likunutu zani. Mi mulike ku Li isa kwa likopano zani. Kushutana ku ze ba... Muzwale, baka li tibatiba inge kunutu, kono kamita babile baeza cwalo. Kono ki mwha wateni!

<sup>306</sup> Ki ba bakai babaziba kuli lo ki lusika lwa busebene? Muli, “Amen.” [Kopano ili, “Amen!”—Mu.] Lusika lwa Laodesia, lo luenya fela lolo Mulimu uka kwa mwa mulomo wa Hae. Mi ni bona bakwile Mulimu mwa milomo ya bona; hakuna lusika lusili mwa Bibele koo Jesu na fumanwi kwande inge a ngongota, kuli akene hape mwahali. Ba Mu lelekezi fande, hakuna kutwano ni yena. Jesu ki mañi? Ki Linzwi! Linzwi ne li kashelizwe kwande. Makapi na kwalezi buloto kwande! Ki hali, “Ni yemi fa munyako na ngongota, mi mutu ufi kaufela yali mwa makapi ani yaka utwa Linzwi la ka.” O Mulimu, ube ni makeke!

<sup>307</sup> Neli ka nako yani, muuna yani ha shwa, yena Davida ni tozo yani abona bumaswe bwa na ezize. O Davida, wena mulisana tuwe, kikuli hauboni lituto za hao ze shwile ko swalelezi? Kikuli ha uboni ze ezahala? Li bulaya Uza. Bashwile ka moyo, mi mwakomoka ha kusina ancafazo; mutuhela bahame ba mina kukuta milili yabona, kuipenta kwa lifateho, kutina

tuputula; muluma bashimani ba mina kwa likolo za *maricky*, ni zeñwi ze cwalo, koo mane licika la bona bataha ka mikwa ya kalombe, ni lika zeñwi kaufela.

<sup>308</sup> Mulemuhe mubonelo wa Davida: nasweli ku kutisa areka kwa ndu ya yona *luli*. Yani ne si yona nkambe, sani ne si sona sibaka, ne li ya Jerusalema. Kono Davida na i kutisa kwa ndu ya hae tota, na bata ancafazo kuli ibe mwa kopano yahabo. “Oh, haiba u wa Assembly, ku lukile. Haiba u wa ba Oneness, ku lukile. Haiba u wa ba Pentekota, kihande.”

<sup>309</sup> Sina yомуñwi hanaize, kuli, “Muzwale Branham, ukaba cwani ni batu baba ka ku teelezanga?” Ali, “Ni bona Billy Graham, una ni kopano kaufela mwa naha yeli hamoho ni yena. Na bona Oral Roberts, Mupentekota kaufela wa fumaneha ni yena hamoho. Kono,” ali, “wena u lwanisa sikwata kaufela.” Uh-huh. Ali, “Ku konahala cwani kuli ube ni mutu ni yomukana?”

<sup>310</sup> Se nili, “Ki Mulimu!”

<sup>311</sup> “Na Mulena ni cezi kuzwa kwa mutomo wa lifasi. Ni ka li selaela musihali ni busihu kakuli yомуñwi aka suhana a lizwisa mwa lizoho la Ka,” Isaya. “Ni ka li selaela, Ni li cezi. Ni beile mabizo a bona mwa Buka haisamba lifasi litomwa, ka kulemuhiwa kale. Ni ka li selaela, lizwelepili fela kuzamaya. Ni ka atisa mezi, mu Li selaele fela hande.” Kulukile. Mwabona? “Ni ka li selaela musihali ni busihu kuli kusike kwaba ni yomukana yazwa mwa lizoho la Ka.” Kifo he cwale.

<sup>312</sup> Na bata kuli itahe mwa munzi wa Davida, kufita kuba mwa Jerusalema. Nekusina sibaka se si lukisizwe kale sa yona ka nako yani, mi ki mo kuinezi ni kacenu. Likunutu zetuna zee ze bonahalizwe ka Maswayo Asupa, hakuna sibaka mwa kopano ifi kaufela... balukela kutuhela kuba kopano fakuli ba Li amuhele. Kuzwelela koo ku Luther kutaha kwa Pentecotal Oneness, hakuna sibaka sesikona ku Li amuhela. Mane neba mutu hakoni ku Li amuhela ni kuinelela mwa kopano ya hae. Una ni ku latelela buloto kamba azamaye ni sikapi, aikungele siemba sa tabela.

<sup>313</sup> Kreste ki yena Areka yaluna, ili Linzwi. Bona ba bata kopano yabona. Hakoni kuba cwalo, mulemuhe, hakoni kushimbewa mwa likocikala zenca za kopano, Liñusa la Hae halikoni kuya mwa kopano yenca kanti Li lukela kulwaliwa ni kutaha mwa pilu ya mupolofita. Ha li konahali. U sepisize cwalo, Likaba cwalo, mi kona mo Li luke kuezahalela.

<sup>314</sup> Kacwalo kopano haina ku Li amuhela, nibona mane habakoni ku Li amuhela. Mi ki libofu fela ku Lona sina Majuda mone ba bezi haba kokotela Jesu fa sifapahano, fani Jesu ha bulela kuli, “Ndate, ba swalele, ha bazibi ze ba eza.” Usike wa ba shubula, kono unahane fela: kucwani kambe ki wena yanali mwa buino bwani ni meto a hao ali kufoufala cwalo kuli mane upalelwaa kuzuha kubona ze ezahala?

<sup>315</sup> Nibona ne ba si ka bona kuli ona Yani luli neli yena Mulimu wabona. Ha Na nyendaela fa sifapahano fani, ni bona inge baopela Lisamu 22 mwa tempele, libima ze likana fela mianda yemibeli fahule, “Mulimu wa Ka, Mulimu wa Ka, kiñi ha U Ni tobohile? Ba tabile mahutu a Ka ni mazoho a Ka.” Mwabona? “Masapo aka kaufela, a ni talimezi. Kana kiñi ha Ni fulalezi?” Mi fani, yena Mulimu yaswana yene ba opela za hae, ka bubofu luli kuli ba Mu taleka fa sifapano, mi ne ba sa zibi.

<sup>316</sup> Cwale, hanili Bibebe ibulela kuli keleke ya Laodesia, ye nahana kuli ki yetuna luli ka buñata bwa ma membala ba yona mwa likopano, kuli ikaba “mapunu, ikaziyeleha, inyande, bubofu, kono itokwe kuziba”? Kanti *bubofu* butalusa sikamañi? Taluso ya *bubofu* mwa keleke ya Laodesia ye ki kufela kwa keleke ya Sijuda, bubofu ku yena Kreste yaswana luli yene bana ni yena kwande, inza ngongota, kulika kukena mwahali; “mapunu, kuziyeleha, bumbotana, kunyanda, bubofu, kanti ni kuziba habazibi.” o Mulimu, ube ni makeke!

<sup>317</sup> Kiñi buloto ha bu sa ipeyi mwa Kubateni kwa Mwana yani, ni kubona hola yelupila kuyona? Eeni, Kreste ki yena Areka yaluna, kono nzila ya Hae ya makalelo ya kueza lika ka yona. Mi ki Yo fa... Nebana ni Moya wa Hae hande ka swanelo, lwa ziba cwalo. Ba libelela ku Mulena, babona mulelo wa Hae ka Linzwi la Hae la makalelo mwa mwaha wa Lona ha u talelezwa, zeo kona zeluna ni kueza ona fa cwale. Mi Yena—Yena upatulula tumelo ya bona ka Linzwi la Hae, ba Mu bona ha paka mulelo kaufela wa Na sepisize, isiñi milelo ya mutu ka kopano, ha ki kueza buñata bwa sicaba mwa areka yaluna.

<sup>318</sup> Bana ni areka ya Methodist, areka ya Baptist, areka ya Presbyterian, mañi ni mañi ukena mwa areka yeo kwa nyandiso tuna yetaha; “Kanya ku Mulimu! Ne ni kolobelizwe mwa areka ya Methodist, ya Presbyterian, areka ya Pentekota.” Kuna ni fela Areka iliñwi, yeo ki Jesu Kreste, mi Yena ki yena Linzwi!

<sup>319</sup> Mulemuhe, Mulimu na bulelezi mupolofita, kuli, “Ca litapa,” mwa Testamente ya Kale. Mupolofita wa Testamente ye Nca, Ki hali, “Ca buka nyana.” Kiñi? Kuli mupolofita ni Linzwi babe nto iliñwi! Mwabona? Yeo kona Areka, Linzwi la Mulimu.

<sup>320</sup> Mulimu u sepisize, Linzwi la Hae, mo Li ka talelezwa ni mo Li ka bela ka nako Ha keta Munyaliwa wa Hae, mo ne li ka ezahalela. Lisweli za ezahala fapila mina, ka Libizo la Mulena, mi zeo ki ka Linzwi la makalelo! Liñusa la nako ya manzibwana kile faa.

<sup>321</sup> Ki ba bakai baba hupula Haywood hana ñozi kuli:

Ku kaba Liseli ka nako ya manzibwana,  
Nzila yeliba kwa Kanya mu ka i fumana luli.

<sup>322</sup> Eeni, sepiyo ya manzibwana ya Maswayo Asupa, a Sinulo 10, Malaki 4, Luka 30 ni 10. Mubale Deuteronomia 4, 4:1 ni 4, mi ya 25 ni 26 timana, mi mubone sa Na bulezi kuama lizazi

la mafelelezo lee. Yo neli Mushe yana buela kwa Isilaele kuli ba “buluke Linzwi kaufela, musike mwa ekeza sika kwateni!” Mushe, mupolofita yani nali fahalimu fani mi naboni Linzwi la Mulimu lani. Mi La ñolwa fapila hae ni kupakiwa ka lizoho la Mulimu Tenyene ha Li ñola. Ki hali, “Mu buluke Linzwi kaufela, musike mwa ekeza sika ku Lona kamba kuzwisa sika ku Lona.” Mwakona kubala timana ya 25 ni 26 ya Deuteronomia 4.

<sup>323</sup> Mulemuhe! Musike mwa ekeza sika ku Lona, musike mwa zwisa sika ku Lona; kakuli hamueza cwalo, Mulimu uka zwisa siemba sa hao mwa Buka ya Bupilo. Mi kuboniswa kuli no si peu ya Hae.

<sup>324</sup> Muhupule! Kaufela za lu sepisize Mulimu, kaufela Mulimu za lu bulelezi, kaufela ze mu bulelezwi ka Libizo la Mulena, li ezahalile! Mulimu ha si ka tibela fateni sepiso ni yekana, kono Ubulukile sepiso kaufela Ya bulezi, ya lu bulelezi, kuli ibile Niti. ka myaha ye mashumi amabeli yee, Shreveport, Ni katalize ku mina ka mata a Mulimu, ni ka likute la mulisana wa mina, mi Ni mi isa kwa katulo kacenu. Neba basali baba fitelezi nako ya lupepo; baana, bana, manyando, foliso, sipolofita, lika zekona kuezahala, hakuna ni yekana ya zona yepalile fateni! Cwale, muinele kwahule ni likopano zeo, li miisa kwa lifu.

<sup>325</sup> Samuele na yemi zazi leliñwi bali, “Lubata mulena, lubata kuba inge babañwi ba lifasi.”

<sup>326</sup> Bona . . . Samuele ali, “Musike mwa ba ni mulena yoo. Uka mi amuha bana ba mina babashimani, basizana, mi uka eza sakuli ni sa kuli.”

<sup>327</sup> Ki hali, “Ehe, Ni ziba kuli mubulela hande.”

<sup>328</sup> Kono Samuele ali, “Amuni teelete. Kana Ni kile na mi kupa masheleñi? Kana na mi kupanga mwa kuipiliseza? Kana Ni kile na mi bulelela kuli muni fange mali akuma fa bukana hanina ni mukopano ni mina?” Cwale mu ikatulele ili mina, neba cwale! Mwabona? Ki hali, “Kana ni kile Na mi bulelela sika ka Libizo la Mulena se si si ka ezahala?” Hakuna neba sesikana.

<sup>329</sup> “Oh, eehe, Samuele, wali kuba u lukupe masheleñi, wali kuba ubate lika zetuna. Samuele, yeo ki niti, mi kaufela zo lu bulelezi ka Libizo la Mulena liezahalile. Kono, Samuele, luna lubata kuba ni kopano kupale kumane!”

<sup>330</sup> “Kanti ha mu ikungele yona. Ku itingile ku mina.” Yeo ki niti.

<sup>331</sup> Wakona kunahana kuli esebeleza Mulimu, mi haiba uzwa mwa nzila ya Mulimu ya kueza ka yona, ukana u fosa lika, ka nako kaufela. O Keleke ya Mulimu yapila! Shangwe mu swalele mukwa waka wa si Irish ni lisheha laka, kono ka busepahali ki kuluka kwa pilu yaka, mi ba Assemblie of God, mina ba Oneness, Presbyteria, Methodist, kaufela semuli sona, amumatele bupilo bwa mina. Muhupule, muzwe mwahala zona.

Linaha za ikaba, Isilaele wa zuha, (wa itukisa  
bakeñisa bo masiyaleti bani)

Lisupo zene ba bulezi kale bapolofita;  
Mazazi a likopano a balilwe, ni mikokolombwa  
ikatilwe,

Amuketele, haenu Mawe mina mu hasani.

Lizazi la Kuliululwa li fakaufi,

Lipilu za batu za saba,

Mutazwe ka Moya wa Hae,

Malambi a mina atuke hande,

Mutalime mwa halimu, kuliululwa kwa mina  
ku fakaufi.

<sup>332</sup> Kana mwa lumela cwalo? Lu kwa nako ya maungulo, ki luna  
ba faa. Muñolo so li fa limota, Kutaha kwa Bubeli ku sutelezi,  
Munyaliwa sa ketiwa, uselaezwi, u bizelizwe kwande.

<sup>333</sup> Cwale, zeo ha li talusi kuli ubizelizwe kwande a keleke, zeo  
li talusa kuli kubizezwa kwande a kopano. Mu swanelia kuya  
kwa keleke, kono musike mwa ikopanya kwa kopano ifi kaufela.  
Jesu naile ni likopano zateni kaufela, kono Na si ka ikopanya ku  
ifi kaufela ya zona. Kambe neba ku ikeza silikani ni ifi kaufela  
yazona Alikuba, batili shangwe, kono Nali mwahala bona. Koo  
kona ko ku lukela kuhasanelia Maseli. Mi mina muinele fela  
hande fo muinzi, inge muhasanya Liseli. Mwabona? Zeo kona  
Mulimu za itusiseza mina. Sicaba sesi lapile mwa lipilu, haba  
zibe kuli Jesu Kreste ki wa luli, ona mwa Na inezi fela maabani  
ali yaswana, Ucwalo ni kacenu; mi ukana aba cwalo kuyakuile.

<sup>334</sup> Kwa konahala, muuna kamba musali ka busepahali kaufela,  
yaka lika kuezeza Mulimu sebelezo ka mata ahae kaufela, ni ku  
lizamaisa ka nzila ye fosahalile. Ibo ka tozo ya luli ya Moya o  
Kenile ku yena, kono ali zamaise ka kushutana ni mulelo wa  
Mulimu wa lusika lwateni, ni ku bondolola lika kaufela. Cwale,  
haiba mu lumela kuli yeo ki Niti, mubulele, “Amen.” [Kopano  
ili, “Amen!”—Mu.] Ki mo lubalezi ona Cwalo. Kubondolola  
lika kaufela ka ku sa taha ka nzila ya lukisize Mulimu mwa  
kuezeza lika.

Halu lapeleni.

<sup>335</sup> O keleke, mo ni mwahala naha, muteeleze ku mutanga mina  
ya ishuwile kakusasana cwana. Muka eza cwalo nji? Mutalime ko  
ne muinzi ka lilimo nyana zelikani kwa mulaho ze ha likalisa ka  
nako yapili; cwale amutalime malikanyiso atahile mwa mulaho  
wa zona, mi mamilioni amatuna ni ma bilioni a ma dollar afufezi  
mwa likopano. Mwabona? Lisali kwahule ni Linzwi la Mulimu.  
Miyaho ni likopano ha kona nzila ya Mulimu ya zamaiseza Moya  
wa Hae. U Li zamaisanga ka ku Li kenya hande mwa Linzwi la  
Hae, kuli Li kone kupila. Mi haiba no lukiselizwe kale kuzwa  
kwa simuluho ya lifasi kwa Linzwi leo, Linzwi lifi kaufela lika  
taha hande fahalimwa Linzwi. Inge selu ya mutu mo i sa koneli

kubela ni selu yeñwi ya mutu, mi yetatama ibe selu ya nja, yetatamaibe selu ya kaze; kaufela ona akaba maselu a mutu. Kono ina ni kuba ni selu pili ka kukala. Kana ku cwalo? Muli, “Amen.” [Kopano ili, “Amen.”—Mu.] Kihande, haiba ki selu ya Linzwi ka kukala, maselu amañwi a Linzwi a lukisizwe kuli ibe mibili o kwanile.

<sup>336</sup> Musike mwaba bana, konji fela ka lilato, kono mube baana ka Moya ni mwa likatulo. Muatule haiba Ni mi bulelezi Niti kamba nee. Muatule haiba ki Linzwi la Mulimu kamba nee. Muatule haiba ki yona hola ye luambola kayona kamba nee. Muatule haiba litaba ze li sepisizwe. Cwale, kana li pakilwe naa? Ka lika za kuli hakuna mutu mwa lifasi yakona ku li eza. Kono se Libile hahulu za sitwaelelo ku luna kuli mane lwa Li tuhelela ku lu fitelela fela. Mulibelele, keleke, mulibelele.

<sup>337</sup> Haiba kuna ni yomukana mwahali mo kakusasana cwana ya sa zibi Jesu Kreste, ya sa yemi ka swanelo kakusasana cwana, libi za hao kaufela lile inge wali kuba ueze sibi fateni, mi utabela kuba cwalo... kakuli hupula, zazi leliñwi, mwendi ki kacenu, mwendi ki mwa mizuzu iketalizoho yetatama, kono zazi leliñwi pilu yeo ika lisela kunata. Mi yani wa mwahali a hao uka fufa ku yo yema Fapila Mulimu kuli a atuliwe kuya ka so eza ni Liñusa le kakusasana cwana, kuya ka Liñusa *le losweli* kubona. Isiñi... Ha ki na, Na ni mulomo fela. Inge ona maikulofoni yee, haisakoni kubulela sika kwanda kuli Ni bulele ku yona. Mi nina hakuna ze Nikona kubulela haiba Mulimu ha amboli kuna, kono mubona kuli Mulimu ulipaka kuba Niti. Ubata kuba Mukreste wa niti.

<sup>338</sup> Cwale, haluna sibaka sa kutaha kwa aletare, kono ona fa tafulef fo uinzi foo. Sibaka sitezi mi kusinani, kutezi luli. Hanikoni ku mi bizeza kwapili kwa aletare, hakuna aletare kwanu kwa ku mi bizeza teñi. Kono aletare iinzi mwa pilu ya hao. Kikuli hauna ku lumeleza nyazo yeo yeli “Jesu Kreste ki wa niti” itahe hande bukaufi kacenu ni kubizeza mibili wa Hae kaufela ku wena, Yena abe mwa pilu ya hao? Haiba Haayo mwatehni, kikuli uka nanula lizoho la hao, mwa sisupo ku Yena, kubulela kuli, “Mulena, ni taze, ni taze ka Linzwi la Hao ni ka Kubateni kwa Hao, kuli Nipile ka Wena”?

<sup>339</sup> Foo toho kaufela ha i inami, liito kaufela ha li itimile, mwahala naha kaufela, amunanule mazoho a mina mina sicaba sesi bonahala ni kwande kafoo hamoho; Ni ka mi lapelela. Kona fela ze Nikona kueza, Hanikoni ku litaza. Mulimu ami fuyole. Hanikoni kuli taza. Mulimu ami fuyole; ni wena. Mulimu ki yena yakona ku litaza. Mulimu aku fuyole. Mazoho asweli kunanuha mo mwa sicaba sesibonahala, kai ni kai. “I taze. Ni taze, O Mulena. Ni taze.” Mi cwale, kasamulaho Ni... Ni itumezi, kezeli. Ni itumezi, muzwale. Mulimu ami fuyole. Kasamulaho Ni... Mulimu aku fuyole, kezeli yomunde. Wena. Kasamulaho... Ni sepa cwale Ni na ni baba sephala luli babalika kuba, Ni bata kunanula mazoho aka ni mina.

<sup>340</sup> O Mulena, usike wa ni lumeleza kuyema kulo kulikuñwi feela. Katundamo, Mulena, nisike na yemelela fela nto iliñwi, tuhela kuli ni zamaye kwapili, Mulena, kufitela Ni feleleza kaufela Zo ni tomezi kueza. Hakuna taba kamba tifo ikuma kai, hakuna taba kamba tikanyo ya tifo icwani, hakuna taba kamba kunyaziwa kukuma kai, kamba sifapano sitata cwani, Ni kana ni hupula sifapano so No lwezi.

Kacwalo sifapano sa niti se Nikana ni si lwala  
 Kufitela lifu li ni lukulula;  
 Mi ni ye kwa Hae, ni yo tina mushukwe,  
 Kuna ni mushukwe wa ka.

Kana Jesu ulukela ku lwala sifapahano anosi,  
 Mi lifasi kaufela lizamaye li lukuluhile?  
 Awa, kuna ni sifapano sa mañi ni mañi wa bana  
 ba Hae,  
 Kuna ni sifapano sa ka.

<sup>341</sup> Mulimu yomunde, Linzwi li lumilwe. Halikoni ku kuta mukungulu, Liku fumana sibaka sa Lona kokuñwi. Haiba peu se i cezwi kale, Li ka i selaela kufitela ihula. Mi hakuna yakona ku i zwisa mwa lizoho la Hao, “Kaufela ba Ni file Ndate baka taha ku Na, hakuna yakona ku ba zwisa mwa lizoho la Ka. Ndate U Ni file bona kuzwa kwa mutomo wa lifasi”; hane ku ñolwa milelo kaufela, ili kuli, Jesu afiwa Keleke ya Hae, Munyaliwa wa Hae.

<sup>342</sup> Linyalo la buhata la lifasi, kwa likopano zee. Wa taha wa to shwela mwa lifasi, Wa Mu liulula, Wa Mu beya ya lukile, Ali kuba alieze kuzwelela kwa makalelo. Na swanizwe ku zona, ali sibofu. Mi sina pina ha ibulela kuli:

Ne ni latehile kono cwale Ni fumanwi,  
 Ne nili mwa Laodesia hañwi, sibofu, kono  
 cwale Na bona.

Mi ki sishemo se si lutile pilu yaka kusaba,  
 Ki muhau o felisize sabo yaka;  
 Ka bunde sishemo si bonahezi  
 Ka hola ye Ni lumela pili.

Kono mezi a Mulimu asuluhela mwa moyo waka. Ne ni yetela.

<sup>343</sup> Mulimu, fa aletare nyana ye ya pilu kaufela yeliteni mo ni mwa naha kaufela, mezi a zwelela kwatasi a aletare ya Mulimu asuluheli katata kakusasana cwana fahalimwa Keleke ya Hao; ni ku I selaela, Mulena, kakuli mwaha so li bukaufi ni kufela. I fe Bupilo, ili Mezi a Bupilo, kuli Ikone kuba Fapila Mwana ni ku kutulelwa mwa sishele sa Hao sesituna.

<sup>344</sup> Ndate, Na ba lapelela. Kono lutaka luna ni kuoma, kacwalo Hanikoni ku lu lapelela; luna ni kushwa, konakuli lu shwile. Kono Ni lapelela Buloto, Mulena, bo bu sweli kubupeha mwa Mubili wa Kreste. Lumeleza, Mulena, kuli mezi amanca a

Mulimu abuluke malama ayona inza tapile ka mioko ya tabo ni kutwisiso kufitela mukutuli atahé ku to Li kubukanyeza kwa hae. Ka Libizo la Jesu, Ni beya lika kamukana ku Wena, Mulena; linepo ki za Hao. Amen.

<sup>345</sup> [Kezeli mwa kopano ufa liñusa—Mu.] Amen.

<sup>346</sup> Kacwalo Mulimu Ndate, lwa itumela ku Wena. Mi, Ndate, lu lapelela kezela luna yomunyinyani, mubeleki faa, kwa mata a hae. Ni nahana ka nako Hani—Hani zamaya fapila hae, mane Moya mo no tahezi ku yena ni kufa liñusa leliswana leo Lingeloi la Mulena ne li file kwa Nuka ka zazi lani: “Sina Joani Mukolobezi mwa na lumezi kuto etelela kutaha kwa Mulena Jesu kwapiili, wena u lumilwe ku etelela kutaha kwa bubeli.”

<sup>347</sup> Lwa libona cwale hali bupeha mwa siemba sa buloto, Mulimu, lwa itumela ku Wenaka lika kaufela Zo ezize. Lipilu zaluna litabile mane halukoni kubulela. Ni ikutwa hahulu kutala, Mulena, Hani sa ziba fela mwa kubulela sika kaufela. Kono na itumela ku Wena Ndate, hape, ka Zo luezelize kaufela. Ka Libizo la Jesu Kreste.

Na Mu lata, . . .

Ha lu opeleñi fela ku Yena, cwale. Muhupule, Utensi mo.

Kakuli U ni latile,  
Ni kuleka puluso yaka  
Fa Kalvari.

<sup>348</sup> Kana li mi eza kuikutwa bunyinyani fela, bunyinyani fela? Kaufela lizwiselizwe fande, muitukiseze fela Moya, mwabona.

Swala lizoho la Mulimu le li sa cinci!  
Swala lizoho la Mulimu le li sa cinci!  
Toma sepo ya hao fa lika za Kuyakuile,  
Swala lizoho la Mulimu le li sa cinci!  
  
U si ke wa ikumbuta sifumu sa lifasi le,  
Se si bola kapili,  
Toma sepo ya hao fa lika za Kuyakuile,  
(hakuna kopano, cwale)  
Swala lizoho la Mulimu le li sa cinci!  
  
Swala lizoho la Mulimu le li sa cinci!  
Swala lizoho la Mulimu le li sa cinci!  
Toma sepo ya hao fa lika za Kuyakuile,  
Swala lizoho la Mulimu le li sa cinci!

<sup>349</sup> Ki ba bakai babsweli kulika kueza cwalo? Munanule mazoho. Cwale amu otolole lizoho fabuse bwa tafule, muswalane mazoho, sina *cwana*, hamoho. Mwakona kuina, ku lukil, kamba kaufela mo mubatela kuezeza. Muteleeze hande. Ha lu i opeleñi hamoho cwale. Ze litahisa mawenge aluna a sika lobeha a lilato ku Mulimu. Lu swalani ka mazoho aluna kakuli lu lumela ku Mulimu. Lwa swalana kakuli lu mizwale ni likezeli, ona Moya

oswana osweli kukasha, Linzwi la Mulimu la Kuyakuile lipila mwa lipilu zaluna m la iponahaza.

Mi musipili waluna ha ufela,  
Haiba ku Mulimu lubile ni niti,  
Ndu ya hao yende ya mwa Kanya,  
Moyo waluna o ngilwe u ta i bona!

Swala lizoho la Mulimu le li sa cinci!  
Swala lizoho la Mulimu le li sa cinci!  
Toma sepo ya hao fa lika za Kuyakuile,  
Swala lizoho la Mulimu le li sa cinci! (Moya wa  
Mulena!)

Swala lizoho la Mulimu . . .

Mubeye fela muhupulo wa mina ku Yena, mwabona. Ye kona mifuta ya mikopano yeluna ni kutoma kwapili.

. . . lizoho leli sa cinci!  
Toma sepo ya hao fa lika za Kuyaku- . . .

Linzwi kona nto inosi fela ya Kuyakule.

Swala lizoho la Mulimu le li sa cinci!  
Usike wa lakaza kabubo ka mbango ka lifasi,  
tuto,  
Zeo lifela fela kapili zabona, (Mutaalime ku  
zona kacenu, ze li ezize.)  
Bata kuba ni sifumu sa lihalimu,  
Sona hasina ku fela!

Swala lizoho la Mulimu le li sa cinci!  
Muswale lizoho la Mulimu le li sa cinci!  
Toma sepo ya hao fa lika za Kuyakuile,  
Swala lizoho la Mulimu le li sa cinci!

<sup>350</sup> [Kezeli ubulela ka lulimi lusili. Muzwale Branham ukala kuñuñuna *Swala Lizoho La Mulimu Lelisa Cinci*. Kezeli yomuñwi ufa toloko—Mu.]

<sup>351</sup> Mo lu itumela ku Wena, Mulena. Halunze luinzi mwa nako ye kutekeha yee, mane inge maswabi cwalo, kakuli latalimela kepelo ya kushwa, kwa lifasi lelishwile; kushwa kwa keleke ye shwile.

O Mulimu, kubukanya Buloto bwa Hao kapili, Ndate. Taha kapili, Mulena Jesu.

<sup>352</sup> Fuyola sicaba sa Hao, Ndate, tisa busepahali ni butungi kwa lipilu za sicaba. Luzwe cwale kwa mubinelo osina tuso wani wa kutubula lufulo, luine hande mwa buliba bwa sifumu sa linosi za Mulimu. Lumeleza cwalo, Mulena. Buluka lipilu zaluna inge litomilwe hande ka lilato ni busepahali.

<sup>353</sup> Fuyola sicaba sa Hao kai ni kai, Ndate. Haluzwa mwa sibaka se lu ye ka Libizo la Mulena Jesu kuli lu ambole ze sepahala, zeli za Niti, ze lukile, mi lu zwe ku ze fosahalile, Mulena. Mutu ha

kala ku lu kwasheka, kapili shangwe lu mu fulalele, lufulalele masila kaufela, lisheha la masila ni litaba za lifasi, ni kufulalela fela mikokoto yaluna kutalima kusili ni kuya. Lu tuse, Mulimu yomunde. Lu bupe, lu eze, lu lube, mi u lu eze mwa libupiwa za bashimani ni basizana ba Mulimu kuli lukone kueza ka mata a Moya o Kenile. Lu ipa ku Wena, lunze lu swalani mazoho, ka Libizo la Jesu Kreste. Amen.

Ha lu yemeñi. Muzwale Nolan.



*KULIKA KUEZEZA MULIMU SEBELEZO*

*Isi KA TATO YA MULIMU LOZ65-1127B*

(Trying To Do God A Service Without It Being God's Will)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo kakusasana, Njimwana 27, 1965 kwa mukuhuko waba Full Gospel Business Men's Fellowship International ili fa Washington Youree Hotel mwa Shreveport, Louisiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)